

駕言而反命載嘉勤勤宜錫燕私

班荆館賜大遼賀正旦人使廻程酒果口宣

元祐元年十二月二十八日

有敕卿等遠會春朝恪修隣好既卒聘事豈無燕私宜就錫於加籩蓋式昭於異數

撫問熙河蘭會路臣寮口宣

元祐二年正月二十五日

有敕卿等服勤疆場賦政兵民言念劬勞實分憂顧特加存問以示眷懷

撫問資政殿學士知揚州王安禮口宣

元祐二年正月十七日

有敕卿久去廊廟出臨江淮綏懷流亡肅遏寇盜遠惟勤瘁特示撫存

賜皇叔祖保信軍節度使安康郡王宗隱生

日禮物口宣

元祐二年正月四日

有敕卿屬尊望重德厚慶隆方誕育之令辰有匪頒之故事克膺壽祉永服寵光

賜皇叔祖昭信軍節度使漢東郡王宗瑗生

日禮物口宣

元祐二年二月二日

有敕卿爵齒既隆德望斯稱載更誕日胥慶家庭式侑燕私以資壽祉

寒節就驛賜于闐國進奉人御筵口宣元祐二年

二月二日

有敕汝等觀光上國述職遐方屬茲改火之辰想有懷歸之念宜頒燕衍以示恩私

賜皇叔祖寧國軍節度使華原郡王宗愈生

日禮物口宣元祐二年二月二十七日

有敕卿望重宗盟德隆藩服載協誕彌之日光膺積慶之餘特示寵頒永綏壽祉

賜新除保寧軍節度使馮京告敕詔書茶藥

口宣元祐二年三月二十八日

有敕全魏之寄舊德為宜勉即征途以荅民望往頒環劑昭示眷懷

賜鎮江軍節度使充集禧觀使韓絳詔書茶

藥口宣元祐三年三月二十八日

有敕卿德齒俱高誠請彌確重以民事久勞元臣既飭還車宜頒環劑尚加調養以副眷懷

賜太師文彥博乞致仕不允批荅口宣元祐二年三月二十九日

有敕卿德望冠於累世風采聞於四夷方茲仰成倚以為重退老之請所未欲聞

賜宰相呂公著乞退不允批荅口宣元祐二年三月

二十九年九月

有敕卿柱石本朝著龜當代方茲注意實所仰成宜體朕心姑安其位

賜交州進奉人朝見訖就驛御筵口宣元祐二年四月五日

四月五日

有敕汝等恭持方物來款塞垣冒涉修途觀光上國宜頒燕勞以示恩私

白溝驛賜大遼賀坤成節人使御筵兼傳宣

撫問口宣元祐二年四月十七日

有敕卿等肅將慶幣遠涉修塗風埃浩然徒馭勤止宜頒燕衍以示眷懷

賜尚書左丞李清臣乞退不允批荅口宣元祐二年四月二十七日

二年四月二十七日

有敕卿綜轄樞機雍容廊廟義當體國謀豈先身往喻至懷少安舊服

賜集禧觀使鎮江軍節度使開府儀同三司

韓絳到闕生餼口宣元祐二年五月十二日

有敕卿力辭繁劇歸卽燕安想見老成渴聞嘉話特頒牢醴以勞驂駢

班荆館賜大遼國賀坤成節人使到闕御筵

口宣

元祐二年六月二日

有敕卿等肅將慶幣垂及都門遠涉暑塗想懃行李式頒燕衍以示恩私

賜護國軍節度使檢校太師濟陽郡王曹佺

生日禮物口宣

元祐二年六月九日

有勅卿世濟勲勞德隆藩戚屬此誕彌之日豈無燕喜之私膺我寵頒永增壽祉

賜皇弟山南東道節度使開府儀同三司佖

生日禮物口宣

元祐二年六月十八日

有敕卿以棣華之親襲瓜瓞之慶載臨誕日宜厚寵頒服我異恩永膺介福

就驛賜大遼賀坤成節使副銀鈔羅錦被褥

等口宣

元祐二年六月二十八日

有敕卿等遠持慶幣來講鄰歡徒御少休舍館既定首膺寵錫當體眷懷

賜皇伯祖彰化軍節度使高密郡王宗晟生

日禮物口宣

元祐二年七月一日

有敕卿德茂宗枝望隆公衮推本流長之慶有嘉震肅之辰宜示寵頒以綏壽祉

賜知樞密院事安燾已下罷散坤成節御筵
口宣

有敕卿等忠存體國義切戴君結妙果於三乘祝
慈闈之萬壽宜膺寵錫以示眷存

玉津園賜大遼賀坤成節人使射弓例物口

宣

元祐二年
七月八日

有敕卿等致命寶鄰出游禁籞爰敦射事以佐賓
歡宜旌審固之能式厚珍良之賜

賜大遼賀坤成節人使生餼口宣

元祐二年
七月八日

有敕卿等遠涉修塗來陳慶幣舍館初定徒馭實

勞宜錫餼牽以昭寵數

相州賜大遼賀坤成節人使却迴御筵口宣

元祐二年
七月八日

有敕卿等遠涉歸途再離秋暑駕言近郡少憇旋
車宜示眷懷往頒燕俎

瀛州賜大遼賀坤成節人使回程御筵口宣

元祐二年
七月十日

有敕卿等抗旌來聘已事言還方次邊城少休候
館宜頒燕俎以勞歸驂

賜大遼賀坤成節人使內中酒果口宣

元祐
二年

東坡全集卷之四十一
七月十一日

有敕卿等遠馳使傳申講隣歡既執贄以造廷亦展幣而成禮宜加寵錫以示眷存

賜太師文彥博已下罷散坤成節道場香酒果口宣

元祐二年七月十一日

有敕卿翊贊大猷倡先多士方慈闈之獻壽嚴法會以薦誠宜有寵頒以昭殊眷

賜知樞密院事安燾已下罷散坤成節道場香酒果口宣

元祐二年七月十一日

有敕卿等同竭忠嘉助成孝治方慈闈之獻壽嚴

法會以薦誠宜有寵頒以昭殊眷

坤成節就驛賜于闐國進奉人御筵口宣

元祐二年七月十一日

有敕汝等欵塞觀光趨庭效貢屬誕彌之稱慶均燕衍以示慈祗服寵嘉式旌忠恪

賜殿前都指揮使燕達已下罷散坤成節道場香酒果口宣

元祐二年七月十二日

有敕卿等同罄純忠力修勝果用祈慈壽既徹梵筵宜有寵頒以昭眷遇

賜皇伯祖鎮南軍節度使開封儀同三司宗

身城全集卷之四十一
暉已下罷散坤成節道場香酒果口宣

元祐二年

七月十一日

有敕卿表率宗盟助成孝治祝延慈壽仰扣佛乘
既畢梵筵宜加寵賚

賜平海軍節度使駙馬都尉李瑋已下罷散

坤成節道場香酒果口宣

元祐二年七月十二日

有敕卿等乃心王室同輸欲報之誠稽首佛乘共
祝無疆之壽既成法會宜示寵頒

賜皇叔揚王荆王醴泉觀散散坤成節道場

香酒果口宣

元祐二年七月十二日

有敕卿等德冠邦家義兼臣子修勝緣於西竺祈
壽嘏於南山宜有寵頒以成法會

雄州撫問大遼使副賀坤成節口宣

元祐二年七月十二日

有敕卿等抗旃修好馳傳及疆遠涉暑途實勞驂
馭特加存撫式示眷懷

班荆館賜大遼賀坤成節人使回程酒果口

宣

元祐二年七月十六日

有敕卿等講成聘禮歸次都門復此少留逝將言
邁宜頒餞羊以寵行驂

賜皇叔揚王顥生日禮物口宣元祐二年七月十九日

有敕卿屬尊魯衛德重間平每臨載育之辰永錫無窮之慶宜膺寵數以介壽祺

賜新除知樞密院不允斷來章批荅口宣元祐二年八月五日

安燾辭免恩命

有敕卿以舊德簡在朕心成命既孚僉言咸穆宜卽祇受毋煩固辭

賜熙河秦鳳路帥臣并沿邊知州軍臣寮茶

銀合兼傳宣撫問口宣元祐二年八月十日

有敕卿等夙分邊寄深識虜情屬此盛秋勞於警

備宜加寵賚以示眷懷

賜熙河秦鳳路提刑轉運茶銀合兼傳宣撫

問口宣元祐二年八月十日

有敕卿持節宣風久分憂寄調兵足食想極賢勞宜有寵頒以彰眷遇

賜觀文殿大學士光祿大夫知永興軍韓縝

茶銀合兼傳宣撫問口宣元祐二年八月十日

有敕卿釋政廟堂均勞方面兵民之重綏御實勞往諭至懷仍加寵賚

賜皇弟武成軍節度使祁國公偲生日禮物

口宣 元祐二年八月十六日

有敕卿棣華襲慶桐葉分封載臨震肅之辰特致壽康之祝其膺寵錫以介神休

賜皇叔成德荆南等軍節度使守太尉開府儀同三司荆王頽生日禮物口宣 元祐二年八月二十日

有敕卿以名世之傑居叔父之親乃眷良辰實鍾餘慶宜膺異數之禮永錫無疆之休

賜宰相呂公著乞外任不允批荅口宣 元祐二年八月二十三日

有敕全德之老朕所仰成大義未安卿當畏去純忠所激微疾自除

賜宰相呂公著乞罷相位不允斷來章批荅口宣 元祐二年八月二十八日

有敕卿之在位為德與民朕意不移徒煩屢請速起視事毋復固辭

賜皇弟定武軍節度使開府儀同三司咸寧郡王佖生日禮物口宣 元祐二年八月二十八日

有敕眷予母弟誕慶茲辰載詠斯千之祥宜均既醉之福祗膺寵數永錫壽祺

賜太師平章軍國重事文彥博辭 免入朝

拜禮允批荅口宣 元祐二年八月二十八日

有敕卿勲德愈高謙恭不伐盡事君之禮忘屈身之勞重違嘉言特寢前命

熙河蘭會路賜种誼已下銀合茶藥及撫問

犒設漢蕃將校以下口宣 元祐二年九月二日

有敕汝等受成元帥問罪種羗既俘凶渠備見忠力各加犒賜用示眷懷

賜保靜軍節度使檢校司空開府儀同三司

建安郡王宗綽生日禮物口宣 元祐二年九月二日

有敕位隆將相德重宗藩方秋律之既深紀門弧之多慶宜膺寵錫以介壽祺

撫問劉舜卿兼賜銀合茶藥口宣 元祐二年九月二日

有敕卿翰屏西服威懷種羗嚴兵盛秋得雋戎落遣勞問仍示寵頒

賜陝府西路轉運判官孫路銀合茶藥口宣

元祐二年九月五日

有敕汝以職事出按邊防屬此軍興想勞心計宜加寵錫以示眷懷

賜陝府西路轉運司勾當公事游師雄銀合

茶藥口宣

元祐二年九月五日

有敕汝以儒臣習知疆政王事靡盬周爰咨謀宜有寵頒以旌勲瘁

賜涇原路經畧使并應守城禦賊漢蕃使臣

已下銀合茶藥兼傳宣撫問口宣

元祐二年九月五日

有敕戎虜逆天無故犯順汝等忠義所激戰守有方犄角相望示以形勢犬羊自遁亭候無虞爰念勤勞不忘嘉歎

賜大遼賀正旦人使白溝驛御筵并撫問口

宣

元祐二年九月七日

有勅卿等遠馳華節冒履薄寒眷言郵傳之勤少樂燕嘉之賜往申寵問式示眷存

賜太師文彥博乞致仕第一表不允批荅口

宣

元祐二年九月九日

有敕朕上承慈訓下酌民言秉國之成非卿莫可來請雖切朕意不移

賜太師文彥博乞致仕不允斷來章批荅口

宣

元祐元年九月十一日

有敕卿望重百辟威聞四夷進退之間輕重所寄母煩屢請朕命不移

白溝驛傳宣撫問大遼賀興龍節人使及賜

御筵口宣

元祐二年九月十二日

有敕卿等遠馳信幣來慶誕辰念此修塗喜於入境宜燕勞以示眷存

沿路撫問奉安神宗御容禮儀使呂大防已

下口宣

元祐二年九月十二日

鄭州

有敕卿等恭持使節祇事祠宮遠涉郵途實勞啓處特加存問以示眷懷

鞏縣

有敕卿等出使別都展儀原廟衝涉微凜勤勞遠塗體此眷懷宜加調衛

西京

有敕卿等暫去闕庭服勤郵傳奉祠之重率禮爲勞已事遄歸式符眷遇

賜熙河路副總管姚兕等銀合茶藥口宣

元祐

二年九月十四日

有敕卿以武畧過人忠義思報焚蕩虜境宣明國威特示寵頒以觀來效

撫問秦鳳等路臣寮口宣

元祐二年九月十八日

有敕卿等綏馭兵戎布宣條教眷惟忠盡想極劬勞屬此早寒各宜厚愛

西京會聖宮應天禪院奉安神宗御容禮畢

押賜禮儀使已下御容口宣

元祐二年九月二十一日

有敕卿等既成原廟復奠神游乃眷元臣往嚴盛禮宜均燕衍以示眷存

賜嗣濮王宗暉生日禮物口宣

元祐二年九月二十二日

有敕流澤之深積慶之厚嘉此良日篤生賢王受茲多儀永錫難老

賜皇帝鎮寧軍節度使開府儀同三司遂寧

郡王佖生日禮物口宣

元祐二年十月一日

有敕乃眷賢王惟予介弟篤生茲日流慶方來往致予言以為爾壽

趙州賜大遼賀興龍節使副茶藥口宣

元祐二年十月一日

有敕卿等久懃輶傳遠涉風埃既漸邇於中邦方少安於候館往頒珍劑以示眷懷

賜太師文彥博生日禮物口宣

元祐二年十月五日

有敕卿勲在廟社名聞華夷允儲河嶽之靈宜享喬松之壽往頒寵數以慶佳辰

沿路賜奉安神宗御容禮儀使呂大防押班

馮宗道并使臣已下銀合茶藥兼傳宣撫問

口宣 元祐二年十月七日

有敕卿等祇率官常往嚴像設屬此寒凝之候眷言往返之勞式示寵綏特加優錫

接伴大遼賀興龍節人使送伴回程與大遼

賀正旦人使相逢撫問口宣 元祐二年十月十七日

有敕卿等並駕使輶遠敦隣好屬風霜之凝列歷川陸之阻修宜示眷懷特申問勞

趙州賜大遼賀太皇太后正旦使副茶藥口

宣 元祐二年十月十七日

有敕卿等遠馳使傳方次州封念此寒凝艱於涉履特申寵錫以示眷存

趙州賜大遼賀皇帝正旦使副茶藥口宣 元祐二年十月十七日

有敕卿等遠修聘事來會歲元眷言夙駕之勤宜有中途之賜受茲珍品喻我至懷

雄州撫問大遼賀興龍節使副口宣 元祐二年十月十七日

有敕卿等恭修鄰好遠慶誕辰眷惟授館之初益

喜造朝之近往申問勞式示眷存

雄州撫問大遼賀正旦使副口宣元祐二年十月十八日

有敕卿等遠會春朝篤修鄰好言念乘輶之久欣聞入境之初式示眷存往申問勞

賜諸路臣寮中冬衣襖口宣元祐二年十月十八日

有敕霜露荐至衣褐未周念我遠臣何以卒歲往均安燠之賜尚體眷懷之深

賜宰相呂公著生日禮物口宣元祐二年十月十八日

有敕卿仁以庇民忠以衛上誕彌之日慶慰良深

往錫寵章以介眉壽

冬季傳宣撫問諸路沿邊臣寮口宣元祐二年十月十八日

有敕卿等守禦邊疆憂勞夙夜屬茲寒沍想各康強特示眷存往申勞問

撫問知河南府張瓌知永興軍韓縝口宣元祐二年十月十八日

有敕卿輟自廟堂出為師帥勞於綏御寬我顧憂屬此寒凝勉加頤養

冬季撫問陝西轉運使副口宣元祐二年十月十八日

有敕卿等歲事將畢農工既休永言乘傳之勞未
遑退食之佚勉加輔養尚副眷懷

冬季撫問諸路沿邊臣寮口宣元祐二年十月十八日

有敕卿等分憂久外並塞早寒眷此勤勞形於軫
念往加勞問式示眷存

賜資政殿學士新差知成都府王安禮詔書

銀合茶藥傳宣撫問口宣元祐二年十月二十七日

有敕卿西南之寄古今所難蓋自祖宗以來式輟
鈞衡之舊與衆同樂非卿孰宜

賜于闐國進奉人進發前一日御筵口宣元祐

二年十月二十九日

有敕汝等奉琛來覲已事言歸式嘉慕義之誠宜
有勞還之澤往頒燕衎祗服恩私

班荆館賜大遼賀正旦人使到闕御筵口宣

元祐二年十一月四日

有敕卿等夙抗使旌少休郊館乃眷川途之邈載
惟驂馭之勞特賜燕私以旌懃瘁

班荆館賜大遼賀興龍節人使酒果口宣元祐

二年十一月九日

有敕卿等遠乘使傳方造都門屬此寒凝久於衝

涉宜膺就賜之禮以示勞來之恩

班荆館賜大遼賀興龍節人使御筵口宣

元祐

二年十一月十一日

有敕卿等遠犯苦寒來修舊好載喜使華之近特申郊勞之儀服我恩私少留燕衍

相州賜大遼賀正旦人使御筵口宣

元祐二年十一月十一日

六月十一日

有敕卿等篤修舊好少憇近邦屬冰雪之嚴凝念車徒之勤勩往加燕勞式示眷懷

賜皇伯祖高密郡王宗晟已下罷散興龍節

道場香酒果口宣

元祐二年十一月十一日

有敕卿等以義重宗藩志存忠愛先期誕月歸命佛奕逮茲法會之成宜有匪頒之寵

宗輿以下同

賜知樞密院事安燾已下罷散興龍節道場

酒果口宣

元祐二年十一月十一日

有敕誕彌之慶綿宇所同矧我臣工方茲燕喜宜有柔嘉之賜以成豈弟之驩

賜濟陽郡王曹佾罷散興龍節道場酒果口

宣

元祐二年十一月十一日

有敕卿義重戚藩望隆耆德歸誠覺苑增祝壽山

宜有寵頒以昭厚眷

賜殿前都指揮使燕達已下罷散興龍節道

場香酒果口宣 元祐二年十一月一日

有敕卿等志在愛君忠於衛上屬誕彌之紀慶修

淨供以祈年宜有頒寵以旌勤意 步軍副都指揮使苗授以下同

賜知樞密院事安燾已下罷散興龍節道場

香酒果口宣 元祐二年十一月一日

有敕彌月之祥敷天同慶協股肱之畢力延釋梵

以祈年申以寵頒助其愷樂

賜大師文彥博已下罷散興龍節酒果口宣

元祐二年十一月二日

有敕卿等以弼亮之重勤勞王家因誕慶之辰修

崇法會宜頒芳旨以示眷存

賜大遼賀興龍節前一日內中酒果口宣 元祐二年十一月二日

元祐二年十一月二日

有敕卿等抗旌就館已觀車騎之華奉幣造朝復

歎威儀之美就加寵錫以示眷懃

賜大遼賀興龍節十日內中酒果口宣 元祐二年十一月二日

元祐二年十一月二日

有敕卿等奉幣講歡造廷稱壽嘉禮儀之閑習宜

東坡全集卷之四十一
寵錫之便蕃受此珍甘以旌眷遇

賜大遼賀興龍節朝辭訖歸驛御筵口宣

元祐

二年十二月二日

有敕卿等使事既終陞辭而復少休賓館將整歸
驟特示至懷更頒嘉燕

東坡先生全集卷之四十一

東坡先生全集卷之四十二

口宣

賜大遼賀興龍節

人使瀛洲

回程御筵口宣

元祐二年

十二月二日

有敕卿等已脩舊好復改北轅雖候館之少休眷歸途之尚邈往頒燕俎以示至懷

相州賜大遼賀興龍節使副御筵口宣

元祐二年

十二月四日

有敕卿等犯寒遠道弭節近邦少休夙駕之勞式示加籩之惠服我寵數以增使華

相州賜大遼賀興龍節使副却回御筵口宣

元祐二年十月
二月四日

有敕卿等聘事告成還車言邁改轅北道弭節近
邦眷言行役之勞宜有燕私之寵

賜大遼賀興龍節人使射弓例物口宣

元祐
二年
十二月
六日

有敕卿等懷四方之志挾五善之能終日射侯於
是觀禮宜申寵錫以佐賓歡

班荆館賜大遼賀興龍節人使回程御筵口

宣

元祐二年十月
二月六日

有敕卿等已事言旋改轅茲始冒寒遠涉軫念良
深少憇近郊復陳燕豆

賜諸路臣寮春季銀鞋兼撫問口宣

元祐二
年十二
月八日

有敕卿等各竭乃心久勞于外屬此寒凝之候永
惟綏馭之懃式示眷存往加勞問

撫問知大名府馮京口宣

有敕卿以元老卧護北門寬我顧憂想勞綏御屬
茲寒沍益務保頤

賜大遼賀興龍節人使朝辭歸驛酒果口宣

東坡全集卷之四十二
元祐二年十一月十日

有敕卿等已事言旋指期夙駕歲寒遠道良用軫懷宜有寵頒以旌勤瘁

賜大遼賀興龍節人使班荆館却回酒果口宣
元祐二年十一月十日

有勅卿等聘事已成征驂言邁往餞於館以華其歸仍有寵頒式昭厚眷

班荆館賜大遼賀正旦人使到闕酒果口宣
元祐二年十一月十日

有敕卿等遠脩鄰好來會歲元久涉道塗少休郊

館宜頒芳旨以勞驂駢

就驛賜大遼賀興龍節人使宴口宣
元祐二年十一月十日

有敕佳辰紀慶聘事告成申敕臣鄰往就舍館同茲衍樂服我惠慈

就驛賜大遼賀興龍節人使宴花酒果口宣
元祐二年十一月十日

有敕卿等遠勤使傳來慶誕辰臨遣重臣往頒燕俎仍加寵錫以示至懷

賜大遼賀正旦使副銀鈔鑼等口宣
元祐二年十一月十日

東坡全集卷之四十一
一月十日

有敕卿等通兩國之權不遠千里驅一乘之傳來
慶三朝宜有寵頒以昭異眷

相州賜大遼賀正旦人使却回御筵口宣元祐二年十二月十四日

元祐二年十二月十四日

有敕卿等復理歸鞍少休輔郡念北轅之首路犯
西陸之餘寒徃致息勤宜留燕衎

賜大遼賀正旦人使却回雄州御筵口宣元祐二年十二月十四日

元祐二年十二月十四日

有敕卿等遠勤郵傳冒涉冰霜眷言徃復之勞已

次封圻之上宜頒嘉燕以示至懷

賜大遼賀正旦人使却回雄州御筵口宣元祐二年十二月十四日

元祐二年十二月十四日

有敕卿等解驂授館方講於鄰歡遣使勞來宜敦
於主禮徃加優錫以示眷懷

賜大遼正旦人使生餼口宣元祐二年十二月十四日

有敕卿等郵傳遠勤舍館既定宜敦主禮以犒馭

徒徃錫餼牽少紆勞瘁

送伴正旦使副沿路與賀北朝生辰并正旦

使副相逢傳宣撫問口宣元祐二年十二月十五日

東坡全集卷之四十一

有敕卿等銜命出使徂冬涉春適寒苦之倍常知
勤勞之加舊勉驅郵傳來造會朝

賜大遼賀正旦入賀畢使副就驛酒果口宣

元祐二年十二月二十六日

有敕卿等既觀闕庭少安館舍宜行慶賜以樂春
朝往致甘芳式華觴豆

賜大遼賀正旦入賀畢使副就驛御筵口宣

元祐二年十二月二十六日

有敕卿等遠抗使旃來陳慶幣眷東風之協應喜
上日之同歡宜就驛亭往頒燕豆

賜大遼賀正旦使副前一日內中酒果口宣

元祐二年十二月二十七日

有敕方興嗣歲既餞餘寒喜鄰好之篤脩念使華
之少駐式頒珍異以示眷懷

賜大遼賀正旦却回班荆館御筵口宣

元祐二年十二月二十七日

有敕卿等聘事既成歸途方啓言念改轅之始少
留張飲之歡往推恩懃下及徒馭

賜大遼賀正旦朝辭訖歸驛御筵口宣

元祐二年十二月二十七日

有敕卿等寓館久勤趨庭告去不假壺觴之樂曷
爲徒馭之華服我思私少留宴衍

賜大遼賀正旦朝辭訖歸驛御筵酒果口宣

元祐二年十二月二十八日

有敕卿等聘事告成歸車夙駕屬此寒凝之末眷
言往返之勤錫此珍芳以將寵遇

賜大遼賀興龍節人使雄州回程御筵口宣

元祐二年十二月二十八日

有敕卿等聘事既成歸途尚邈屬此冰霜之候眷
言來往之勤宜錫燕私少紓行役

賜大遼賀正旦使副春幡勝口宣

元祐二年十二月二十九日

有敕剪刻之工風俗惟舊眷皇華之在館屬春陽
之肇新宜有分頒以增賁飾

賜大遼賀正旦使副射弓例物口宣

元祐二年十二月二十九日

有敕卿等出遊禁籞觀藝射侯弓矢既均禮儀卒
度宜加寵錫以侑燕歡

瀛洲賜大遼賀正旦人使回程御筵口宣

元祐三年正月五日

有敕卿等來修舊好遠冒祁寒涉歷冬春服勤郵傳示頒嘉燕以荅久勞

賜宰相呂公著上第二表乞致仕不允批荅

口宣元祐三年三月二十九日

有敕朕以冲眇垂拱仰成卿以耆老圖任共政無故而去於義未安

賜宰相呂公著乞致仕不允斷來章批荅口

宣元祐三年四月一日

有敕卿望重縉紳義均休戚如左右手可須臾離雖屢形於懇詞必難移於朕意

閣門賜新除守司空同平章軍國事呂公著

誥口宣元祐三年四月七日

有敕卿正位三公具瞻多士式資坐論以副仰成體朕眷懷服此明命

閣門賜新除宰相呂大防范純仁誥口宣元祐三年四月七日

三年四月七日

有敕朕稽參衆庶登用俊良並建宰司同陞揆路祇承明命仰副眷懷

賜新除尚書左僕射呂大防尚書右僕射范

純仁辭免恩命不允批荅口宣元祐三年四月十一日

有敕卿望重縉紳才兼文武弼亮之選中外同然
母或固辭以稱朕意

賜呂公著辭息命上第二表不允斷來章批

荅口宣元祐三年四月十三日

有敕卿以全德式符具瞻宜與師臣共爲民表欽
承明命佇聽嘉謨

賜范純仁呂大防辭息命上第二表不允斷

來章批荅口宣元祐三年四月十三日

有敕卿以宏材久與大政擢升宰輔實慰具瞻宜
速拜嘉毋煩謙避

賜新除門下侍郎孫固辭免息命不允斷來

章批荅口宣元祐三年四月十四日

有敕卿金華元老西樞舊臣與政東臺實慰輿議
祇膺成命母復固辭

賜劉摯辭免息命不允斷來章批荅口宣元祐三年四月十四日

三年四月十四日

有敕稽參衆言救自朕志西臺之貳無以逾卿亟
踐厥官母煩固避

賜王存辭免息命不允斷來章批荅口宣元祐三年四月十四日

三年四月十四日

有敕卿純忠許國雅望在人官以次升義無足避其承休寵以副眷懷

賜胡宗愈辭免恩命不允斷來章批荅口宣

元祐三年四月十四日

有敕卿雅望在人純忠許國既以彙進胡爲力辭宜體至懷卽膺成命

賜趙瞻辭免恩命不允斷來章批荅口宣

元祐三年四月十四日

有敕朝廷用人議論先定不次之舉非卿孰宜亟服休息母煩固避

賜河北兩路諸軍秋季銀鞋兼傳宣撫問臣

寮將校口宣

元祐三年四月十八日

有敕卿等憂寄之深疆事靡盬眷言勞勩想各平寧體我至懷受茲時賜

宣詔許內翰入院口宣

元祐三年四月十九日

有敕卿拔自循良老於文學禁林之命儒者所榮往祗厥司以究所蘊

白溝驛賜大遼賀坤成節人使御筵兼傳宣

撫問口宣

元祐三年四月二十二日

有敕卿等遠涉暑途來陳慶幣眷言徒御久犯風

身城台身卷之四十二
埃往賜燕娛少休行役

賜大遼賀坤成節人使生餼口宣

元祐三年五月十日

有敕卿等肅將鄰好來慶誕辰徒馭久勞館宇初定宜頒委積以示寵章

賜安燾乞退不允斷來章批荅口宣

元祐三年六月

日一

有敕卿以舊德首冠西樞雅望既隆仰成彌重宜安厥位以卒輔予

賜北京息箕等州脩河官吏及都轉運使運判監丞等銀合茶藥并兵級等夏藥特支兼

傳宣撫問口宣

元祐三年六月十四日

有敕卿等夙夜河壩暴露野次屬茲暑雨深軫予懷徃示寵頒少慰勞苦

撫問保寧軍節度使知大名府馮京兼賜銀

合茶藥口宣

元祐三年六月十四日

有敕河役方興吏民在野暑雨之際綏御爲勞膺此寵頒尚加慎護

賜大中大夫守尚書左僕射兼門下侍郎呂

大防生日禮物口宣

元祐三年六月二十二日

有敕乃眷良辰篤生元輔豈獨縉紳之望允爲河

岳之英今遣爾甥往致朕命受茲休寵永介壽祺

賜皇弟山南東道節度使開府儀同三司大

寧郡王佖生日禮物口宣

元祐三年六月二十二日

有敕乃眷賢王篤生茲日本枝之慶華萼相承宜分廐庫之良以致喬松之壽

賜大遼人使賀坤成節人見訖歸驛御筵口

宣

元祐三年七月八日

有敕卿等初柅使車已陳慶幣退安館舍往錫燕觴式示眷懷且旌勞勩

賜大遼人使賀坤成節人見訖歸驛酒果口

宣

元祐三年七月八日

有敕卿等趨庭致命就館卽安少休行役之勞宜示眷懷之異式昭寵數往錫甘芳

班荆館賜大遼賀坤成節人使回程御筵口

宣

元祐三年七月八日

有敕卿等使事畢陳還車載啓改轅而北弭節少留就錫燕嘉式昭禮遇

玉津園賜大遼賀坤成節人使射弓例物口

宣

元祐三年七月九日

有敕卿等旣陳慶幣復展射侯豈獨娛賓亦將觀

德宜有珍良之錫以旌審固之能

賜殿前司罷散坤成節道場香酒果口宣元祐三年七月九日

元祐三年七月九日

有敕卿忠存衛上義切戴君爰祝壽山克成梵供宜加寵錫以示眷懷

賜宗室開府儀同三司以下罷散坤成節道

場香酒果口宣元祐三年七月九日

有敕卿以令德懿親共輸誠悃名藍法供虔祝壽祺既徹淨筵宜加寵錫

賜馬步軍司罷散坤成節道場香酒果口宣

元祐二年七月十二日

有敕卿等共罄臣衷力祈慈壽爰脩法會亦既告成宜有寵頒以旌誠懇

賜知樞密院事安燾已下罷散坤成節道場

香酒果口宣元祐三年七月十二日

有敕卿等忠存廟社義篤君親嘉法會之有成祝聖齡於無極宜加寵賚以示眷懷

賜皇伯祖嗣濮王宗暉已下罷散坤成節道

場香酒果口宣元祐三年七月十二日

有敕卿等為國懿親助我孝治祝慈闈之永壽成

法會於茲辰宜有寵頒以精忠悃

賜皇叔楊王醴泉觀罷散坤成節道場香酒

果口宣 元祐三年三月十二日

有敕卿等以周邵之親躬任媿之眷一作養力祈壽嘏祇扣佛乘既徹淨筵宜膺寵眷

賜太師文彥博已下罷散坤成節道場香酒

果口宣 元祐三年七月十二日

有敕元老在廷百官承式啓法筵於梵宇祝壽嘏於慈闈宜有寵頒以助燕喜

相州賜大遼賀坤成節人使却回御筵口宣

元祐三年七月十三日

有敕卿等遠飭征驂少休近郡載惟勤勤良極軫懷往錫宴觴以華歸騎

瀛洲賜大遼賀坤成節人使回程御筵口宣

元祐三年七月十三日

有敕卿等遠聘通歡言歸復命改轅北道弭節邊城宜錫燕觴少休行役

賜護國軍節度使濟陽郡王曹佺罷散坤成

節道場香酒果口宣 元祐三年七月十三日

有敕卿以耆德首冠戚藩虔祝壽祺告成法會宜

加寵賚以助燕私

班荆館賜大遼賀坤成節人使回程酒果口

宣元祐三年七月十三日

有敕卿等致命言還改轅伊始暑雨方作徒馭實勞宜有寵頒以昭眷遇

就驛賜大遼國賀坤成節人使宴口宣二首

元祐三年七月十六日

有敕卿等遠馳使傳來會誕辰言念勤勞宜加旌寵特頒燕喜以示眷懷

元祐三年七月十六日

有敕卿等肅將慶幣來舉壽觴臨遣輔臣往頒燕豆仍加寵賚以示眷懷

賜新除殿前副都指揮使武泰軍節度使苗

授辭免恩命第一表不允批荅口宣元祐三年七月二十日

有敕卿早練武經晚著邊效進持帥節實允僉言矧以次遷無煩懇避

撫問秦鳳路臣寮口宣元祐三年七月二十四日

有敕卿等久以選掄出分憂寄疆場之重綏御為勞宜示眷懷往宣指諭

閣門賜新除徐王誥口宣

元祐三年八月十二日

有敕卿望隆尊屬德冠宗藩改殿大邦實諧羣議往服朕命以為國華

賜皇叔新封徐王上第二表辭免恩命不允

斷來章批荅口宣

元祐三年八月十五日

有敕朕始升徐方以胙叔父庶幾大彭之壽罔愧元王之賢毋復屢辭亟膺成命

賜太師文彥博乞致仕不允斷來章批荅口

宣

元祐三年九月五日

有敕耆老在位華夷聳觀若聽公歸恐失民望朕

命不再公其少留

相州賜大遼賀興龍節使副御筵口宣

元祐三年十一月六日

有敕卿等將命鄰邦服勤郵傳久薄風霧少休車徒宜體眷懷式同燕衍

賜皇伯祖宗晟辭免起復恩命不允批荅口

宣

元祐三年十一月十日

有敕官不可曠禮有從權苟愛君如愛親則王事為家事勉遵舊服少屈私誠

賜皇伯祖宗晟辭免起復恩命不允斷來章

東坡全集卷之四十二
批荅口宣

元祐三年十一月十八日

有敕卿哀慕未衰懇辭彌切既寒暑之一變宜忠孝之兩全勉從朕言起服乃事

賜駙馬都尉李瑋已下罷散興龍節道場香

酒果口宣

元祐三年十一月三十日

有敕震夙紀辰邇遐同祝乃眷戚藩之重預脩淨供之嚴亦旣告成宜膺寵錫

賜殿前副都指揮使苗授已下罷散興龍節道

場香酒果口宣

有敕卿等以衛上之忠屬誕彌之慶預嚴淨會以

薦壽祺及此告成宜加寵賚

賜權管勾馬軍司公事姚麟已下罷散興龍

節道場酒果口宣

元祐三年十一月三十日

有敕卿等率職周廬歸誠梵宇共致延鴻之祝出於忠愛之深宜錫珍芳以助燕衍

興龍節尚書省賜知樞密院事安燾已下酒

果口宣

元祐三年十一月三十日

有敕卿等任重樞機忠存廟社屬誕辰之薦壽脩法會以告成錫以珍芳助其燕喜

賜大遼賀興龍節人使生餼口宣

元祐三年十二月二日

有敕卿等遠持慶幣申講鄰歡徒馭有華舍館方
定宜往餼牽之錫以旌郵傳之勤

賜濟陽郡王曹佾罷散興龍節道場香酒果
口宣元祐三年十一月一日

有敕卿寵冠戚藩望隆舊德將祝無疆之壽故脩
最上之乘既徹淨筵宜膺寵錫

賜皇伯祖嗣濮王宗暉已下罷散興龍節道
場香酒果口宣元祐三年十一月一日

有敕眷我宗英乃心王室修彼龍天之供慶茲虹
電之祥宜有頒分以成燕喜

賜皇叔祖同知太宗正事宗景罷散興龍節
道場香酒果口宣元祐三年十一月一日

有敕乃眷宗英祗率藩服慶誕辰而薦壽脩淨會
以告成宜有分頒以助燕喜

賜皇叔徐王罷散興龍節道場香酒果口宣
元祐三年十一月二日

有敕卿望隆周召德邁間平屬誕慶之紀辰仗佛
乘而薦祉助茲宴喜錫以永嘉

賜文太師已下罷散興龍節道場香酒果口
宣元祐三年十一月二日

有敕乃眷師臣身先百辟有嚴淨供祇薦萬齡宜
有分頒以助燕喜

賜樞密安燾已下罷散興龍節道場香酒果

口宣

元祐三年十一月二日

有敕樞機之臣社稷是衛夙設人天之供共祈箕
翼之祥宜膺寵頒式助燕喜

班荆館賜大遼賀興龍節人使到闕御筵口

宣

元祐三年十一月五日

有敕卿等遠將鄰好至止都門屬霜霧之嚴凝念
車徒之勤瘁宜伸燕衍以示眷懷

賜大遼賀興龍節人使朝辭訖就驛酒果口

宣

元祐三年十一月五日

有敕卿等畢事告旋指期言邁念征途之勞瘁迫
徂歲之沍寒體我至懷膺茲寵錫

賜大遼賀興龍節人使朝辭訖歸驛御筵口

宣

元祐三年十一月五日

有敕卿等聘事告成陞辭言邁念歸途之云遠復
賓館之少留體我眷懷共茲宴喜

七日賜大遼賀興龍節人使內中酒果口宣

元祐三年十一月五日

二月五日

有敕卿等柅車就館布幣造廷旣欣鄰好之脩復
歎使華之美就加寵賚式示眷存

玉津園賜大遼賀興龍節人使射弓御筵口

宣元祐三年十一月五日

有敕卿等使節有華鄰歡載講旣娛賓於靈囿將
觀德於射侯宜有寵頒以旌命中

相州賜大遼賀正旦人使御筵口宣元祐三年十一月十二日

二月六日

有敕卿等春朝畢會鄰聘交馳屬徂歲之沍寒念
遠勤於行李往頒燕衎以重使華

班荆館賜大遼賀興龍節人使回程御筵口

宣元祐三年十一月六日

有敕卿等告辭中禁改乘北轅屬晚歲之嚴凝念
征途之悠緬往頒嘉燕可復少留

十日賜大遼賀興龍節人使內中酒果口宣

元祐三年十一月七日

有敕卿等等廷稱壽率禮可觀豈惟鄰好之脩亦見
使華之美宜膺寵錫以示至恩

班荆館賜大遼賀興龍節人使却回酒果口

宣元祐三年十一月七日

有敕卿等改轅北路供帳都門風埃浩然徒馭勤
止宜膺寵錫以示息華

瀛洲賜大遼賀興龍節人使回程御筵口宣

元祐三年十一月七日

有敕卿等回車北道弭節邊亭使事已終歸驂少
憇徃頒燕衍益厚眷存

賜皇弟會寧郡王俛生日禮物口宣

元祐三年十一月七日

有敕朕之介弟生以茲辰眷棣萼之相輝祝椿齡
之難老宜同慶喜徃致寵頒

相州賜大遼賀興龍節人使回程御筵口宣

元祐三年十一月九日

有敕卿等夙駕歸軒少休旁郡眷言勞勩良極顧
懷徃錫燕嘉以旌恩眷

趙州賜大遼賀正旦使副茶藥口宣

元祐三年十一月十日

有敕卿等遠脩舊好屬此沍寒載歷山川久蒙霜
露宜有精良之賜式彰軫念之懷

趙州賜大遼賀太皇太后正旦使副茶藥口

宣

元祐三年十一月十日

有敕卿等遠馳四牡來慶三朝屬此歲寒勞於行役宜膺寵錫以示眷存

興龍節尚書省賜宰相已下酒果口宣元祐二年

十二月十日

有敕誕彌之慶中外所同眷我臣鄰共茲燕喜宜加寵賚以示眷懷

就驛賜大遼賀興龍節使副鈔鑼等口宣元祐

三年十二月二十二日

有敕卿等肅將鄰好遠涉寒塗眷言授館之初宜有勞來之禮往加寵錫以示眷懷

玉津園賜大遼賀正旦人使射弓例物口宣

元祐三年閏十二月三日

有敕射以娛賓抑將觀德發而命中曾不出正宜旌審固之能膺受珍良之賜

撫問知大名府馮京口宣元祐三年閏十二月八日

有敕卿等夙分重寄言念久勞歲律云周王事靡盬益加輔養以副眷懷

冬季傳宣撫問河北東路沿邊臣寮口宣元祐

三年閏十二月八日

有敕疆場之守職思其憂霜露既凝歲聿云暮宜

加厚愛以副眷懷

賜大遼賀正旦人使銀鈔羅唾孟子錦被等

口宣元祐三年閏十月十八日

有敕卿等遠將鄰好來慶春朝眷言跋履之勤宜有珍華之賜受茲異寵體我至懷

雄州撫問大遼賀正旦人使口宣元祐三年閏十一月

二十

有敕卿等肅將慶幣來會春朝遠犯風埃實勞徒馭欣聞入境良慰眷懷

賜大遼賀正旦人使正月一日就驛御筵口

宣元祐三年閏十月二十五日

有敕使華遠至春律肇新即卿舍館之安昭我惠慈之眷往陳燕豆以樂佳辰

賜大遼賀正旦人使內中酒果口宣元祐三年閏十月二十五日

有敕卿等瑞節華軒來脩舊好醇醪珍寶以薦新春膺此寵頒體予異眷

班荆館賜大遼賀正旦使回程御筵口宣元祐三年閏十月二十五日

有敕卿等使事告成旋車言邁方改轅於北道暫

弭節於都門昭示眷懷少留宴衍

賜于闐國進奉人使旦就驛御筵口宣元祐三年

閏十二月二十五日

有敕重譯遠來觀光戾止屬人正之改律樂天敘之發春宜示寵休式同燕喜

雄州賜大遼國賀正旦人使回程御筵兼傳

宣撫問口宣元祐三年閏十月二十五日

有敕卿等已事告歸柅車少憇眷言長道遠犯餘寒宜錫燕喜以旌勞勩

瀛洲賜大遼賀正旦人使回程御筵口宣元祐三年

三年閏十二月二十九日

有敕卿等已聘言還犯寒遠邁方脂車於北道復弭節於邊城宜錫宴嘉以旌勞勩

班荆館賜大遼賀正旦人使却回酒果口宣

元祐四年正月一日

有敕卿等還璋言邁弭節少留念鞭轡之方勤涉冰霜之餘凜宜陳燕俎以寵歸軒

正月六日朝辭訖就驛賜大遼賀正旦人使

御筵口宣元祐四年正月一日

有敕卿等使事告成陞辭言邁命近臣之往勞庶

遠道之少留體我眷懷共茲宴衍

撫問鄜延路臣寮口宣元祐四年正月八日

有敕卿等分寄邊陲輯寧吏士眷言勤勤良極軫懷往致朕言各宜尚慎

撫問鄜延路臣寮口宣元祐四年六月十一日

有敕卿等各膺器使祗服邊陲眷茲靖安時乃忠力特加勞問以示顧懷

賜右正議大夫守尚書左僕射呂大防生日

禮物口宣元祐四年六月十一日

有敕惟茲穀旦生我元臣爰分服食之良往助閨

門之喜式為爾壽宜識朕心

賜皇叔徐王顥生日禮物口宣元祐四年六月二十一日

有敕乃眷賢王實為社稷之衛載臨誕日永集邦家之休臨遣使車往致眉壽

就驛賜大遼賀坤成節人使銀鑼等口宣元祐四年六月二十三日

有敕卿等遠勤使節展慶誕辰畏暑長途方即安於舍館精金良幣宜往致於恩私

賜皇弟大寧郡王佖生日禮物口宣元祐四年六月二十日

二十日

有敕桑蓬示喜復臨載育之辰金幣展親往致友
于之愛膺予寵賚俾爾壽昌

班荆館賜大遼賀坤成節國信使副到闕酒

果口宣

元祐四年七月四日

有敕卿等抗旃遠道解鞅近郊念館舍之未安宜
驂駢之少憇式頒芳旨以示眷懷

賜馬步軍太尉姚麟已下罷散坤成節道場

香酒果口宣

元祐四年七月四日

有敕卿等誕辰祗慶法會告成嘉與函生同躋壽
域徃頒芳旨以勞忠勤

賜大遼幘成節使副生餼口宣

元祐四年七月七日

有敕卿等抗旃暑路弭節驛亭眷惟行李之勤徃
致珍鮮之餽膺茲寵數明我眷懷

雄州白溝驛賜大遼賀坤成節人使却回御

筵兼傳宣撫問口宣

元祐四年七月七日

有敕卿等飛蓋西風改轅北道喜山川之漸近忘
徒御之久勞徃致眷懷少留燕衍

玉津園賜大遼賀坤成節人使射弓例物口

宣

元祐四年七月八日

有敕卿等圭璋致命既已講歡弓矢娛賓亦將觀

東坡全集卷之四十一
德宜有瓊華之賜以旌審固之能

賜殿前都指揮使以下罷散坤成節道場香

酒果口宣

元祐四年七月九日

有敕誕彌之慶海宇攸同嘉將帥之協恭設人天之妙果宜均寵錫以示褒優

賜皇伯祖高密郡王宗晟以下罷散坤成節

道場香酒果口宣

元祐四年七月九日

有敕眷我宗英志存忠報脩等慈之妙供祝難老之昌期嘉此精誠均其慶賜

賜同知樞密院事韓忠彥已下罷散坤成節

道場香酒果口宣

元祐四年七月九日

有敕嘉我樞臣義均一體脩茲淨供慶續千齡不有寵頒曷旌忠報

相州賜大遼賀坤成節人使却回御筵口宣

元祐四年七月九日

有敕鄰好旣成使華有耀眷邦畿之漸遠念郵傳之方勤服我恩私少留燕喜

賜大遼國賀坤成節使副時花酒果口宣

元祐四年七月十日

有敕鄰歡旣展賓館歸休宜命醖宰之醇復致瓜

華之侑少將至意其服茂恩

賜平海軍節度使駙馬都尉李瑋已下罷散

坤成節道場香酒果口宣元祐四年七月十日

有敕卿等義重戚藩志同忠報屬誕辰之均慶嘉法會之告成宜示褒優特加寵賚

坤成節尚書省賜宰臣已下御筵酒果口宣

元祐四年七月十一日

有敕忠存柱石誠貫人天共欣誕日之臨既畢祇園之會宜頒芳旨以助燕私

坤成節賜同知樞密院事韓忠彥已下尚書

省御筵酒果口宣元祐四年七月十二日

有敕脩佛勝因祈天永命既肅成於梵供益表見於忠誠宜有寵頒以同燕喜

賜徐王罷散坤成節道場香酒果口宣元祐四年七月十日

有敕卿親賢莫二忠孝實兼饌蒲塞於祗園薦椿齡於崇慶喜成法會宜有寵頒

賜大遼賀坤成節人使朝辭訖歸驛御筵口

宣元祐四年七月十二日

有敕卿等已聘告歸少休就館卽頒燕俎臨遣輔

臣式示異恩以榮回馭

班荆館賜大遼賀坤成節人使回程御筵口

宣

元祐四年七月十二日

有敕卿等方事回轅聊茲弭蓋念征途之尚永加秋暑之未衰往錫燕嘉少休徒馭

賜宰相呂大防已下罷散坤成節道場香酒

果口宣

元祐四年七月十二日

有敕卿等竭誠衛上體國均休恪脩西竺之儀仰獻南山之祝宜膺寵錫以示褒優

賜大遼賀坤成節使副內中酒果口宣

元祐四年

七月十一日

有敕卿等來陳慶幣克講鄰歡載嘉遠聘之勤宜示寵綏之意頒茲芳旨服我恩私

賜大遼賀坤成節人使朝辭訖歸驛酒果口

宣

元祐四年七月十二日

有敕卿等遠敦使事率禮無違既上謁辭言還存日宜加頒錫益示寵榮

坤成節就驛賜阿里骨進奉人使御筵口宣

元祐四年七月十四日

有敕汝等來脩貢篚適遘誕辰宜均慶賜之恩共

身城全真卷之四十二
樂亨嘉之會往頒燕俎咸極歡心

瀛洲賜大遼賀坤成節人使回程御筵口宣

元祐四年七月十四日

有敕鞭轡旣勞封疆漸邇雖勤歸念少憇暑途服我恩私式同燕喜

坤成節就驛賜于闐國進奉人使御筵口宣

元祐四年七月十四日

有敕汝等奉琛遠至授館少留適遘誕辰宜均慶澤欽承恩渥共樂燕私

班荆館賜大遼賀坤成節人使回程酒果口

宣

元祐四年七月十七日

有敕卿等奉璋來聘弭節言還眷此暑途少留歸馭往頒燕俎式示恩私

賜新除守司空同平章軍國事呂公著辭免不允批荅口宣

有敕朕圖任元老以表四方以鄉望在士民心存社稷勉膺異數式副僉言

賜皇弟普寧郡王似生日禮物口宣

有敕歲將更端月亦旣望實茲日篤生賢王厚寵頒以介多福宜



東坡全集卷之四十二
三

東坡先生全集卷之四十三

內制批荅

賜正議大夫同知樞密院事安燾乞外郡不

許批荅二首

元祐元年
十月八日

覽表具之卿以應務之才居本兵之地綏靜中外
人無間言何疑上章欲求去位未喻厥意聞之憮
然夫榮親莫大於功名養志不專於甘旨而况魏
闕之下父母之邦退食問安孰便於此勉循其舊
以卒輔弼

二

元祐元年
十月八日

東坡全集卷之四十三
省表具之夫事親者不擇地而安之孝之至也而况艱難之際一日萬幾冰淵之懼當務同濟卿練達兵要灼知邊情寄託之深義難引去亟求自便朕何賴焉

賜新除中大夫守尚書右丞劉摯辭恩命不

許斷來章批荅二首

元祐元年十一月

覽表具之道有行藏時有用捨歲不我與難以智求道之將行豈容力避大言大利固當安而受之小行小廉非所望於卿者成命不再可無復辭

二

元祐元年十一月

省表具之政如農耕以旣穫爲能事言如藥石以愈疾爲成功若耕不穫疾不愈朕何望焉所以用卿者非以富貴卿也勉卒成業何以辭爲

賜太師文彥博乞致仕不許批荅二首

元祐二年

三月二十九日

卿出入四世師表萬民無羨於功名而有厭於富貴其所以忘身徇國捨逸就勞者豈有求而然哉凡以先帝之恩生民之故也卿之在朝如玉在山如珠在淵光景不陳而草木自遂去就之際損益非輕昔西伯善養老而太公自至魯穆公無人子

東坡全集卷之四十一
思之側而長者去之卿自爲謀則善矣獨不爲朝廷惜乎藥餌有間時遊廟堂家居之樂何以異此

二元祐二年三月二十六日

朕修身以承六聖虛已以聽四輔而法度未定陰陽未和民未樂生吏未稱職中夜以思方食而歎雖不敢以事諉元老實望其以身率百官卿猶未卽於安孰敢不盡其力此聖母冲人之本意而天下有識之所望也昔唐太宗以干戈之事尚能起李靖於旣老而穆宗文宗以燕安之際不能用裴度於未病治亂之效於斯可見朕意如此卿其少

安

賜宰相呂公著乞退不許批荅元祐二年二月二十九日

卿才全而德備積厚而施博明亮篤誠坐屈群策旣以天下公議而用於此矣豈以卿之私意而聽其去哉水旱之災不德所召卿當助我求所以消復之道不當求去我也詩不云乎大夫君子昭假無羸大命近止無棄爾成勉思厥職以荅民望

賜宰相呂公著乞退不允批荅元祐二年三月二十九日

用賢之功必要之久遠日計不足歲計有餘朕之用卿期於百姓之旣富卿之自信亦豈一日而成

東坡全集卷之四十三
功常賜之災天以警朕夙夜祗懼與卿同之朕若歸過於股肱何以荅天戒卿若釋政而安逸何以塞民言各思其憂少安厥位

賜尚書左丞李清臣乞退不允批荅二首

元祐

二年四月十八日

卿以方聞之舉擢自厚陵禁林之選用於神考逮受顧命弼予冲人義旣同於戚休身豈輕於出處遽欲引去聞之惻然姑安厥常以助予治

二年四月十八日

祥除之初念我聖祖所與共政不忘舊人而卿博

學多聞通練古今小心畏慎不見過失力求引去爲之惘然勉畱輔予益祗厥服

賜文武百寮文彥博以下上第一表請皇帝

御正殿復常膳不允批荅

元祐二年四月二十二日

朕卽位二年水旱繼作致災之故實惟冲人旣延及於無辜復貽憂於文母是以坐不安席食不甘味實欲深念厥咎豈徒見之空言而雨不崇朝農猶告病欲徇來請惕然未寧其一乃心勉正厥事毋重朕之不德以荅天之深戒

賜文武百寮文彥博已下上第一表請太皇

太后復常膳不許批荅

元祐二年四月二十二日

早曠之罰自冬及夏天之降災如此其久則夫致災之道豈一日而然哉雖力行罪已之文尚恐非應天之實而卿等以膚寸之澤遽欲即安覽之惕然未敢自赦其交修不逮務盡厥誠期茲歲於有秋雖復常其未晚

賜文武百寮文彥博已下上第五表請皇帝

御正殿復常膳允批荅

元祐二年五月二十九日

朕以寡昧膺受多福常欲損上益下畏天之威矧茲旱災咎在不德而卿等以雨澤既至封章屢上勉從其意甚媿於中夫天之有風雨雷霆猶朕之有號令賞罰朕不修明其事何以責應於天永思其終無忘納誨

賜文武百寮文彥博已下上第五表請太皇

太后復常膳許批荅

元祐二年五月二十九日

德積無素民罹其災精誠莫通禱不時應雖蒙膏澤之報僅救焦枯之餘勉徇來章猶虞後患其謹視盜賊勲卹流亡益務交脩以禪不逮

賜文武百寮太師文彥博已下上第一表請

舉樂不許批荅二首

元祐二年六月一日

東坡全集卷之四十三
先王之禮樂因情而立文君子之哀樂自中而形
外夫有莫大之戚則有無窮之悲先皇帝天覆四
方子養萬物至今窮髮之表尚餘流涕之民而况
宮庭之間母子之愛僅畢三年之制遂講八音之
和所未忍聞非不欲作卿等謹於率禮篤於愛君
徒欲亟舉舊章顧未深明吾意三復太息難於
從

元祐二年
六月一日

禮之至者無文哀之深者無節故禫而不樂古人
非以求名琴不成聲君子以爲知禮朕以宗廟之

重勉蹈先帝之餘履其位惕然而自驚用其物潛
焉而出涕未報昊天罔極之德常懷終身不忘之
憂欲從衆言亟舉備樂而金石絲竹乃悽耳之聲
干戚羽旄皆泫目之具哀旣未泯樂何從生再閱
來章徒增感慕

賜文武百寮太師文彥博已下上第二表請

舉樂不許批荅二首

元祐二年
六月四日

週密之制雖盡於三年追懷之私豈論於歲月金
石在御惻然未寧吾不以一身之憂廢天下之樂
今施之郊廟用之軍旅州閭之會絃歌相聞獨盡

東坡全集卷之四十三
餘哀止於中禁以爲於義未害是故行之不疑

二元祐二年
六月四日

朕少遭閔凶僅畢祥禫雖俛就企及非以過制爲賢而創巨痛深不能以禮自克觀過其黨聖人許之禮曰喪三年以爲極亡則弗之忘矣誠重違國老之忠告姑欲盡人子之至情

賜太師文彥博等請太皇太后受冊第二表

不許批荅

元祐二年六月四日

吾聞聖人以天下爲憂未聞以位號爲樂也損已裕物畏天檢身此吾平日之本心非獨遇災而一

發也孔子曰以約失之者鮮矣卿等以是輔我顧不美哉

賜文武百寮太師文彥博已下上第四表請

舉樂不許批荅二首

元祐二年六月九日

吾之本性以清淨寂寞爲樂雖在平日無游觀聲技之念矧艱難之後哀疚之餘中夜以興方食而歎將不堪其憂者豈有意於樂哉雖欲勉從未能自克忠告屢却愧歎兼深

二元祐二年
六月九日

鐘鼓以導和羽籥以飾喜譬之飲食之節適於口

東坡全集卷之四十三
體之宜今衰麻之除莫敢逾制而琴瑟之御則有未安卿等忠誠確然開喻至矣惟反求諸心而弗得故欲行其言而未能推之人情當識朕意

賜太師文彥博等上第三表請太皇太后受

冊許批荅

元祐二年六月九日

吾上順帝則下酌民言處以無心期於寡過卿等以爲協氣旣應羣謀僉同若固違典禮之常恐莫慰天人之望遇災而懼昔者非以爲謙聞義則遷吾亦豈敢自必勉從故事以副嘉言

賜新除中大夫守尚書右丞王存辭免恩命

不允斷來章批荅二首

元祐二年六月十二日

士有品目定於僉言置之廟堂蔽自朕志豈有僉言旣穆朕志不移而用過謙之詞反已成之命亟服乃事宜無復云

二

元祐二年六月十二日

爲國不患於無人有人而不用之爲患事君非難於辭寵居寵而無媿之爲難吾之用卿計已審矣卿之自信又何疑哉

賜新除知樞密院安燾辭免恩命不許斷來

章批荅二首

元祐二年六月二十四日

覽表具之論材考德聖人所以公天下難進易退
君子所以善一身權之以義孰爲輕重訓兵論將
威懷戎狄卿以是事上豈不賢於逡巡退避也哉

二元祐二年六月二十四日

覽表具之德稱其服臣主俱榮食浮於人上下交
病朕之爲天下慮甚於卿之自爲謀也思而後行
有出無反成命不再卿毋復辭

賜新除檢校太尉守司空依前開府儀同三
司致仕韓絳辭免恩命不允批荅二首

元祐二年

七月七日

國家尊異耆老砥礪廉隅凡致爲臣必厚其禮而
况卿出入四世師表萬民身任安危位兼將相永
惟三宗眷遇之重宜極一品褒崇之榮成命旣孚
僉言惟允宜從中外之望罔徇謙冲之私

二元祐二年七月七日

朕惟耆老成人雖或謝事耄期稱道終不忘君其
在丘園豈殊廊廟嘉猷入告卿其不易此心大事
就訪朕亦敢忘斯義命秩之數典冊之文不如此
無以慰朕心而荅民望國有常典卿毋復辭

賜太師文彥博辭免不拜恩命許批荅二首

東坡全集卷之四十三
元祐二年八月二十七日

卿義重股肱望隆堂陛廉遠則堂皇峻股肱逸而元首安故出異恩特鑄苛禮而卿深執恭異力守典刑確然自陳義不可奪勉從其意愧歎於中

二元祐二年八月二十七日

朕優禮師傅達德齒之尊以亟拜爲可畧古之道也卿謹嚴朝廷明君臣之分以不拜爲未安禮之節也道並行而不悖義有重而難移勉循所陳不忘嘉歎

賜宰相呂公著乞罷相位不許斷來章批荅

二首元祐二年八月二十七日

孔子曰苟有用我者朞月而已可也三年有成夫以聖人猶待三年而後成功况其下者今卿助我爲治自以爲旣成矣乎其未也譬如玉人雕琢玉中道而易之豈復成器哉

二元祐二年八月二十七日

古者君臣之間率常千載一遇今聖母在位正身虛已仰成輔弼雖疎遠小臣猶欲畢命自效而卿乃以小疾求去縱無意於功名獨不惜此時乎勉卒乃事使百姓富足四夷乂安然後謝事歸老豈

東坡全集卷之四十三
不臣主俱榮哉

賜宰相呂公著乞罷相位除一外任不許批

荅二首

元祐二年八月二十八日

夫以才御物才有盡而物無窮以道應物道無窮而物有盡凡今之患所乏非才以卿篤於愛君必能建長久之策澹然無我可以寄枉直之權二年於茲百度惟正事既就緒民亦小康至於微疾之屢攻此亦高年之常理卿其良食自輔爲國少安譬如止水之在槃豈復勞心於鑿物心且不勞而況於力乎

二

元祐二年八月二十九日

朕以天下之大知爲君之難有朽索馭六馬之憂有抱火措積薪之懼正賴多士協於一心朝夕以思彌縫其闕凡今中外執事膂力之畢陳視吾一二老臣進退以爲節卿若無事而引去人將相顧以自疑而况邊鄙未寧兵民多故而予左右之老先自求於便安則夫疎遠之臣何以責其盡瘁勉輔不逮期於有成

賜宰相呂公著辭免不拜恩命允批荅二首

元祐二年九月一日

東坡全集卷之四十三
卿執德惟一守禮不回不以坐論爲安而以拜上
爲泰使朕不盡養老之意而卿得畏威之道勉從
其志嘉歎不忘

二元祐二年
九月一日

君之視臣譬之手足方責其大不強所難而卿深
執謙恭力求避免深惟孔子事君盡禮之義曲從
其請以儆惰媮

賜太師文彥博上第一表乞致仕不允批荅

二首
元祐二年
九月八日

省表具之卿之求去蓋數矣言不爲不切而朕終

莫之從朕之畱卿亦至矣禮不爲不盡而卿終莫
之亮君臣之際情不相喻朕甚疑之夫樂丘園而
厭軒冕亦古人之一節而非聖賢之高致尊者老
以重朝廷蓋天下之大計而非冲人之私欲與其
使朕屈公議以從卿曷若卿少貶其私意以徇天
下乎

二元祐二年
九月八日

覽表具之卿之所以欲去者二疲於朝會勞於應
物一也功成身退欲享其樂二也而吾之所以必
留者三卿以英傑之資開物成務世不可闕一也

東坡全集卷之四十三
彌亮四朝更涉變故謀無遺策二也名冠天下進退之間爲國休戚三也吾方盡養老之道隆禮以優賢廟堂之上猶有足樂則夫卿之欲去者可回而吾之必留者蓋不可易也

賜太師文彥博乞致仕不許斷來章批荅二

首

元祐二年九月十一日

覽表具之爲君難爲臣不易非吾推誠無疑不能起卿於安佚非卿忘身徇國不能從我於艱難召用之初中外相慶搢紳莫不競勸父老至於滄流中道而歸其義安在宜思一身之樂輕於社稷母

使庶人之議及於朝廷

二

元祐二年九月十一日

省表具之君子安身崇德如山嶽之鎮開物成務如江河之流若山嶽之鎮動搖不安江河之流行止自便則物將交病人亦何觀朕之望卿無以異此宜守不移之志以成可大之功

賜宰相呂公著上第一表乞致仕不允批荅

二首

元祐三年二月二十八日

省表具之古者世臣譬之喬木粵自拱把至於棟梁傑然群材之中夫豈一日之力卿擢自仁祖迨

茲四朝光輔朕躬允有一德不獨卿無心而事自定抑亦民既信而功易成方今布在朝廷豈無豪傑之士猶當養以歲月待其德望之隆卿雖欲歸勢未可去宜安厥位以副朕心

二元祐三年二月二十八日

覽表具之卿三世將相一時著龜不求備以取人則房喬之比其經遠而無競有謝安之風用能寧輯我家靖共爾位政在元老人無異詞胡爲厭事而求歸不復爲國之長慮方今官冗財匱歲艱民貧天步雖安國是未定若方勤於樸斲而遽易於

工師人其謂何勢必不可告老之請吾未欲聞

賜宰相呂公著上第二表乞致仕不許斷來

章批荅二首

元祐三年三月二十九日

覽表具之難進易退固君子之常節久勞思逸亦老者之至情然心存社稷則常節爲輕身繫安危則至情可奪惟卿體國豈待多言苟大義之未安雖百請而何益宜安厥位勿復此辭

二元祐三年三月二十九日

覽表具之宰相不自用人主不自爲予欲識人物之忠邪故以卿爲水鏡予欲知利害之輕重故以

東坡全集卷之四十三
卿爲權衡苟明此心雖老猶壯與其輕去軒冕獨
善其身孰若優游廟堂兼享其樂益敦此義勿復
有云

賜新除依前中大夫守中書侍郎劉摯辭免

恩命不許斷來章批荅二首

元祐三年四月十二日

省表具之卿蹈道深遠守節淳固雖不留於儻來
之物而有志於行可之仕樂告以善勇於敢爲進
不求當世之名退不叛平生之學未嘗爲枉尺直
尋之事夫豈有見得忘義之嫌哉毋復過辭往踐
乃事

二月元祐三年四月十二日

省表具之朕纘服之初卿言責是任歷陳治道之
要以立太平之基朕欲行其言遂授以政歲月未
幾紀綱畧陳欲究觀心術之微宜擢居政本之地
苟無愧於允蹈豈不賢於力辭往服官箴勿違朕
命

賜新除依前中大夫守尚書左丞王存辭免

恩命不許斷來章批荅二首

元祐三年四月十二日

省表具之夫志大有遠畧器博無近用以卿忠義
開濟何施不宜今以次遷何足辭也益堅無倦之

東坡全集卷之四十三
意以觀可久之業

元祐三年四月十二日

省表具之夫陛簾之增所以隆堂奧位次有敘所以尊朝廷朕既樂得於英才復以時而遷用庶幾華國非以寵卿祇率厥常毋廢朕命

賜新除守尚書右僕射兼中書侍郎范純仁

上第一表辭免恩命不允批荅二首

元祐三年四月

十二日

覽表具之夫有烏獲之力然後可以付千鈞有和扁之功然後可以寄死生故宰相之任非所以寵人臣也無其德而當之爲不智有其材而辭之爲不仁若卿之才德亦可謂稱矣往思其憂以稱天下之望

元祐三年四月十二日

覽表具之吾聞之乃烈考曰君子先天下之憂而憂後天下之樂而樂雖聖人復起不易斯言卿將書之紳銘之盤盂以爲一言而可以終身行之者歟則今茲爰立之命乃所以委重投艱而已又何辭乎

賜新除司空同平章軍國事呂公著上第二

東坡全集卷之四十三
表辭免恩命不許斷來章批荅二首

元祐三年四月

十二日

省表具之夫國以得人爲強如猛獸之衛藜藿以積賢爲寶如珠玉之茂山川湛然無爲物自蒙利故崔公發議則淄青慙服知朝廷之有人蜀使抗詞則孫權回顧歎張昭之不在得失之效豈可同日而語哉朕之用卿意實在此國計之重可無復辭

二
元祐三年四月十二日

省表具之周之詩曰無曰予小子召公是似唐之

雅曰惟西平有子惟我有臣夫父子君臣之間光明盛大如此載之簡策被之金石豈獨閨門之寵足爲邦國之華再省來章具陳先烈雖朕寡昧不敢庶幾於仁祖而卿忠孝當念服勤於世官祗率厥常毋違朕命

賜新除守尚書左僕射兼門下侍郎呂大防

上第二表辭免恩命不許斷來章批荅二首

元祐三年四月十二日

省表具之卿有夷狄盜賊之虞倉廩禮樂之歎陰陽風雨之憂此三者誠當今之大計朕之所以中

東坡全集卷之四十三
夜不寐輟食太息者正爲此也孟子曰責難於君
謂之恭夫旣以責其君而不以身任之者非仁人
也願卿慨然當古人之重畧世俗之謙務踐斯言
憂此三者

二元祐三年四月十二日

省表具之夫任賢使能天下之公義而辭大就小
君子之自守也惟名器爵祿朕所不敢授以私則
勞謙退避卿豈得必行其意所謂唐虞三代信任
之至以致稷契伊呂德業之隆若卿之言朕敢不
勉請事斯語永觀厥成

賜新除守尚書右僕射兼中書侍郎范純仁

上第二表辭免恩命不許斷來章批荅二首

元祐三年四月十二日

省表具之卿以明哲自託不能非獨以見君子勞
謙之光亦因以知前世用人之弊功烈無取誠如
卿言夫次公減於治郡子元不如爲將非獨文獻
不足蓋其才德有偏如卿昔在朝廷首談孟軻之
仁義旋爲帥守專行羊祐之威信慨有大志似其
先人苟推此心施於有政則太平可望而小節可
畧矣

東坡全集卷之四十三
二 元祐三年四月十三日

省表具之自昔先帝之世屢歎才難及朕嗣位以來專用德選雖爵祿名器出於獨斷而長育成就實在群公長短不遺輔相之責苟無爲國養人之意必有臨事乏使之憂朕用慨然當食不御思得英雋之老共收文武之朋惟卿篤於憂國明於知人灼見朕心宜在此位往任天下之重毋事匹夫之庶

賜新除依前正議大夫守門下侍郎孫固辭免恩命不許斷來章批荅二首
元祐三年四月十三日

省表具之卿奉事先帝有勸學之舊與聞機政有已試之功固非躡等之遷獨恨用卿之晚勉循大義毋事小庶

二 元祐三年四月十三日

省表具之卿向自西樞出殿藩屏頃由近輔入侍燕閒昔有未識之思今乃日聞其語既見君子無踰老臣當益勵於初心尚何辭於新命

賜新除中大夫守尚書右丞胡宗愈辭免恩命不許斷來章批荅二首
元祐三年四月十四日

省表具之卿自天官擢領風憲下有庇民之意上

有愛君之忠度其不以利回是故可以大受丞轄
之任非卿孰宜毋復固辭以就遠業

二元祐三年四月十四日

省表具之人才之難古今所病忠厚者多乏於用
強濟者或涼於德有德適用如卿幾人方觀卿謀
國之良以成朕知人之美深體此意往祗厥官

賜新除依前中散大夫充樞密直學士僉書
樞密院事趙瞻辭免恩命不允斷來章批荅

二首

元祐三年四月十四日

省表具之君子之仕也喜於知而樂於用如卿之
言結髮從仕而白首遇合則君子之用舍進退蓋
亦有時矣勉行其道無失斯時苟能遇事而必爲
則亦立功之未晚古人之事將見於卿

二元祐三年四月十四日

省表具之卿挺然孤忠白首一節逝將力求於退
避夫豈有意於進取哉特以雅望旣隆公議所在
方將度才而授任固難越卿以用人往踐厥官毋
違朕志

賜正議大夫知樞密院事安燾乞退不允批

荅二首

元祐三年五月十八日

省表具之宥密之司安危所寄雖羗會款塞少休
烽燧之虞而夏童跳邊猶煩籌策之馭翻然求去
義有未安夫以朕大烹優賢之資豈不能助卿養
志之具足以母廢子職而能兼爲國謀豈不休哉

二元祐三年五月二十八日

省表具之乃眷西樞實參大柄吾欲兵民兼利戎
夏兩安自非宿業更變之臣懼有傷財玩寇之患
卿當念先朝委任之久未可以親庭歸養爲詞勉
安厥官以副吾意

賜新除殿前副都指揮使武泰軍節度使苗

授上第一表辭免恩命不許斷來章批荅二

首元祐三年七月十九日

省表具之試材以舊謀帥尤艱故以久次用人欲
其深練於事而卿辭以錮疾豈所望哉速卽乃官
毋復退避

二元祐三年七月十九日

覽表具之環衛之嚴節制之重誕告多士以長萬
夫朕豈輕用其人哉確然固辭未喻厥指往祗朕
命毋曠乃官

賜太師平章軍國重事文彥博上第一表乞

致仕不許批荅二首

元祐三年九月二日

覽表具之昔師尚父九十秉旄杖鉞猶未告老此諸葛元遜所以屈張昭也而衛武公百年猶箴儆於國曰無以我老耄而捨我此左史倚相所以誨申公也今卿壽考康寧而退托衰病自引求去獨不念天下之士有如彼二子者議其後乎姑安厥官以荅公論

二

元祐三年九月二日

覽表具之朕聞之成王之政周公在前召公在後畢公在左史佚在右四子挾而維之目見正色耳

聞正言一日卽位天下曠然未聞四子以老而求退亦未聞成王以老而聽其去也朕雖不德猶庶幾成王之治卿雖老矣獨不能以四子之心爲心乎勉卒輔朕無愧前人

賜新除守司空同平章事呂公著上第一表
辭免恩命不允批荅

省表具之夫司空之官自唐以來雖無職事而孔子所謂天子有爭臣七人者三公首當之朕欲聞仁人之要言與天下之大計非此元老將安取斯卿其省思慮慎寢食優游廟堂爲朕謀其大者

賜新除守尚書左僕射門下侍郎呂大防辭
免恩命不允批荅二首

省表具之夫天以斯民付人主而人主付之宰相
若不得人爲慢天之所付朕敢乎哉如卿瑰姿偉
望宏毅開濟朕旣用之不疑而卿自疑何也往脩
厥官毋斃朕命

二

覽表具之自英廟擢卿於言責而先帝用卿於西
師則朝廷待卿之重蓋出於祖宗之意矣孔子曰
吾之於人也誰毀誰譽如有所譽其有所試若卿
者可謂屢試矣卿而不宜其執宜之

賜新除守司空同平章事呂公著上表辭免
不許批荅

覽表具之天下之事使壯者治之老者謀之自堯
舜以來未有易此者也今卿議政而不及事勞心
而不及力吾自以爲得養老之禮而不失用賢之
實卿何辭之堅也

生獲鬼章文武百寮稱賀宣荅詞

元祐二年
八月二十

日八

太皇太后

種羗叛渙西鄙繹騷首出偏師遂擒元惡安邊之
喜與卿等同之

皇帝

凶狡就俘羗戎一震旣增吏士之氣亦寬戍守之
勞靖寇息民與卿等同喜

八月二十八日入內高班蔡克明傳宣取批
荅宰臣以下賀生獲鬼章表

太皇太后

國家偃兵息民函養中外鬼章無故犯順神人棄
之雖廟社無疆之休亦將相一心之助封章來上

嘉歎不忘

皇帝

朕上承慈訓下盡羣策務漸寬於民力本無意於
邊功旣狂狡之就擒知休息之有日再閱來奏嘉
歎於中

內制表本

皇帝爲冬節奏告永裕陵神宗皇帝表本

伏以曆紀天正史書日至感舒長於測景增怵惕
於履霜恭惟謚號皇帝德邁堯仁功恢禹迹游衣
冠於原廟徒仰威神望松栢於橋山永懷悲慕

皇太后殿夫人爲冬節往永裕陵酌獻神宗
皇帝表本

伏以一陽來復萬物懷生空臨觀禋之辰無復稱
觴之慶恭惟謚號皇帝道齊覆載德冒華夷從南
狩於蒼梧神游已邈望西陵於銅雀滄墓空深

皇帝爲 正月一日奏告永裕陵神宗皇帝
旦表本

伏以始餞餘寒復興嗣歲望寢園而增慕悼日月
之不留恭惟謚號皇帝道貫百王澤涵萬宇永瞻
帝所之樂坐起堯墻之悲饋奠莫由馳誠罔極

皇太后殿夫人爲年節往永裕陵酌獻神宗
皇帝表本

伏以葦桃在戶徒講三朝之儀椒柏稱觴無復萬
年之壽恭惟謚號皇帝功施無外德洽有生隨鼓
漏於寢園莫親饋奠望衣冠於原廟空極涕流

皇帝爲三月一日奏告神宗皇帝旦表本

伏以旣成春服時方禊洛之初祗謁寢園古有薦
鮪之禮恭惟謚號皇帝配天立極如日載陽仰餘
一作陰澤之旁流致羣生之遂茂光靈愈遠滄墓空
深

皇帝爲神宗皇帝大祥往永裕陵奏告表本
伏以寢廟告成永動廓然之感柏城森列遽興拱
矣之悲恭惟謚號皇帝澤浸函生慶垂後裔配天
無極奉謨訓以長存示民有終悵神游之安在恭
脩祥奠莫訴哀誠

皇帝爲神宗皇帝大祥內中奏告表本

伏以追號罔極實抱終身之憂祥禫有期蓋迫先
王之禮恭惟謚號皇帝睿明照世神智自天雖清
廟肅雍瞻之莫見而威顏咫尺凜然常存悲慕之
深華夷所共

皇太后殿夫人爲神宗皇帝大祥往永裕陵
酌獻表本

伏以颺馭上賓日以遠矣隙駒遄邁祥而廓然恭
惟謚號皇帝道始家邦化刑夷夏天地之運固代
謝於陰陽草木何知徒興悲於霜露莫親饋奠惟
極哀誠

十月朔本殿夫人往永裕陵酌獻神宗皇帝
表本

雨霜隕籜感閉塞於天時收潦滌場思艱難於王
業恭惟尊謚皇帝禹功紀地堯則惟天威加四夷

尚餘肅物之凜仁及萬彙永同挾纊之溫省奉無
期瞻懷靡極

永安永昌永熙永裕陵忌辰奏告宣祖太祖
太宗神宗皇帝表本

伏以十年之永恩浹於華夷諱日之臨感深於臣
子恭惟謚號皇帝文武經世威靈在天每更不樂
之辰尚有遺弓之慕山陵永望雨露增懷

永安永昌永熙陵忌辰奏告昭憲孝惠孝明
孝章淑德懿德明德元德章懷章穆章懿章
惠章獻明肅皇后表本

伏以周南之化刑恭儉於多方渭北之游極望思
於原廟恭惟謚號皇后道應圖史德參聖神顧明
發之永懷仰徽音之如在載瞻園寢想見衣冠

皇太后殿內人爲神宗皇帝忌辰朝永裕陵
表本

伏以百年之思化被於無疆終身之憂感深於不
樂恭惟謚號皇帝德齊堯禹功陋漢唐道蓋始於
正家謀方貽於燕翼追攀罔極慨慕徒深

永裕陵正月旦表本

伏以賓出日於暘谷堯歷方頒朝計吏於原陵漢

東坡全集卷之四十三
儀具舉恭惟謚號皇帝功恢禹迹德邁湯仁雖歲月之屢遷想威神而如在載瞻園寢空極望思

永裕陵二月旦表本

伏以時方啓蟄禮及獻羔感清衍之協風怵懷思於濡露恭惟謚號皇帝文武緯世聖靈在天岱嶽泥金永講升中之禮荆山鑄鼎遽成脫屣之游永望寢園徒增感慕

永裕陵四月旦表本

伏以日躔昴畢卦直乾離物蒙長養之仁世載文明之化恭惟謚號皇帝功成不宰德範無窮執炎帝之衡莫追往躅秩南郊之政空守成規祇望寢園惟增感慕

永裕陵十月旦表本

伏以戒寒墀戶倏及於秦正前晦行陵祇循於漢禮恭惟謚號皇帝懿文緯世厚德載時休老勞農追述養民之政厲兵講武敢忘經國之謀永望寢園益增感慕

永裕陵十二月旦表本

伏以商正紀歷大呂旋宮論時令以待來歲之宜獻民力以共宗廟之祀恭惟謚號皇帝至仁無外

東坡全集卷之四十三
全德難名文物聲明但覩乘時之迹昆虫草木孰
知成歲之功急景易遷永懷何極

內制國書

皇帝達太皇太后賀大遼正旦書元祐元年十月二日

肇易歲元發新榮於萬物仰遵慈誨修舊好於兩
朝遠飭使軺肅將禮幣庶迎壽祉式副願言

皇帝賀大遼皇帝正旦書元祐元年十月

獻歲發春共講三朝之慶寶隣繼好茂膺五福之
祥申飭使車往陳信幣永言欣頌曷罄諭陳

皇帝達太皇太后回大遼皇帝賀正旦書元祐

二年正月五日

百年之好旣講於春朝萬壽之儀兼陳於幄殿恭
因省侍具述來音感懌之懷言宣莫罄

皇帝回大遼皇帝賀正旦書元祐二年正月五日

東風協應感徂歲之更新遠使交馳導歡言而如
舊粲然禮幣申以書詞欣懌之深敷陳罔究

皇帝達太皇太后回大遼皇帝賀坤成節書

元祐二年七月

嘉月令辰篤生壽母珎函重幣交慶寶鄰已恭致
於德音復欽傳於慈旨其爲感懌未易名言

皇帝回大遼皇帝問候書

元祐二年七月

四牡載馳遠勤於使介尺書為問申講於隣歡方履素秋克膺純福益祈保護式副願言

皇帝達太皇太后賀大遼皇帝生辰書

元祐二年

寒律既周誕辰載紀恭被慈闈之誨俾修慶幣之儀永介壽康式符頌禱更祈調衛以副願言

皇帝賀大遼皇帝生辰書

元祐二年

大呂還宮攝提正丑載協誕彌之慶永膺壽考之祥臨遣使輶往陳信幣其為欣禱莫盡名言

皇帝達太皇太后賀大遼皇帝正旦書

元祐二年

歲律肇新鄰歡載講恭被慈闈之誨遠通慶幣之誠益冀保頤永綏壽嘏

皇帝賀大遼皇帝正旦書

三陽朋來慶二儀之交泰兩朝繼好納萬民於阜昌申敕使車肅將禮幣願符善禱永介純釐

皇帝回大遼皇帝賀興龍節書

元祐二年十月

誕日載臨鄰懽歲講封疆雖遠晷刻不踰惟信睦之交修識情文之兩至益深雅好良極欣悰

皇帝達太皇太后回大遼皇帝問候書

元祐二年

十月

嘉平紀月震夙惟時屬茲慶使之來重以慈闈之
問尋因省侍悉致誠言欣感之深敷陳罔究

皇帝回大遼皇帝賀正旦書

元祐二年

獻歲發春方祝永年之慶睦鄰敦好益修奕世之
歡信幣精華書詞溫縟再維雅契良極欣悰

皇帝達太皇太后回大遼皇帝賀正旦書

元祐二年

正歲履端遠勤於華使慈闈申慶重領於玆函省
侍之餘誠言已達永惟欣感莫究言宣

皇帝回大遼皇帝賀興龍節書

世睦寶鄰申以無窮之好歲馳華使及茲載夙之
辰閱詞幣之兼隆識情文之備至願言欣感難悉
究陳

皇帝達太皇太后回大遼皇帝問候書

遣使爲壽旣欣鄰好之修因書見誠兼致慈闈之
問侍言有次來意畢陳感懌之深敷陳罔旣

皇帝達太皇太后回大遼皇帝賀坤成節書

元祐四年七月

星火西流慶慈闈之誕日皇華北至講鄰國之誠
言旣達來音俾修報禮感銘之素敷述難周

皇帝回大遼皇帝問候書

元祐四年七月

輶車重幣已修交慶之儀尺素好音復講久要之
信屬臨素節允迪純禧益冀保頤式符企詠



國家圖書館, NATIONAL CENTRAL LIBRARY, TAIWAN, R.O.C.

東坡先生全集卷之四十四

內制青詞

集禧觀開啟祈雪道場青詞

元祐元年
二月六日

伏以麥將覆塊雪未掩塵嗣歲之憂下民安訴具
嚴法會祇歛闕宮仰冀同雲溥滋新臘

景靈宮宣光殿奉安神宗皇帝御容日開啟

道場青詞

元祐二年三
月十四日

伏以天鑒不遠誠感則通方寶構之肇新宜神游
之降格具嚴法席高味靈篇內安清淨之居外錫
烝黎之福

集禧觀開啟祈雨道場青詞 元祐二年三月二十五日

洞淵龍王水府聖眾饑饉之患民流者暮年吁嗟之求詞窮於是日乃眷陰靈之宅實為雲雨之司溷濡之功俄頃而辦罔吝天澤以荅民瞻

集禧觀洪福殿等處罷散謝雨道場青詞

德有愧於動天敢辭屢請道無私而應物豈間微誠霈一雨以咸周起三農於既病仰承靈貺莫報深仁

太皇太后皇太后皇太妃受冊奏告景靈宮

等處青詞 元祐二年七月十九日

伏以祗事親闈庶幾孝治配德祖考既務極於推崇篤生眇冲亦敢忘於褒顯將奉寶冊率循舊章徼福于神先期以告

神宗皇帝御容進發前一日奏告諸宮觀等

處青詞 元祐二年九月二十五日

嵩洛之間山陵所在嚴道釋之淨宇奉衣冠之別祠恭擇良辰啟行仙馭敢徼福於羣聖庶流祉於含生仰叩真靈冀垂昭鑒

隆祐宮設慶宮醮青詞 元祐二年

伏以長樂告成光動紫宮之像清都下照誠通絳

東坡全集卷之四十四
關之僊祇率多儀肅陳非薦永惟慈孝之本克享
天人之心介萬壽之無疆錫五福之純備

西嶽廟開啟祈雨道場青詞

元祐三年七月十三日

伏以一華之尊作鎮於西極兆人所急望歲於秋
成穀既日滋雨不時霈敢以病告于我有神閔茲
將槁之苗賜以崇朝之澤惟神之德非我敢忘

中太一宮真室殿開啟天皇九曜消災集福

道場青詞

臣以冲眇嗣承列聖之休濟于艱難實賴文母之
德臨蒞四載勤勞百爲畏天之威未嘗終日而豫
怠視民如子惟恐一夫之困窮伏願上帝降祥衆
真垂祐消禳災沴永底壽康恭陳寶籙之科仰扣
神游之館敢祈昭鑒下察孝心

皇太妃宮閣慶落成開啟道場青詞

伏以良辰襲吉華構一新仰荷褒崇之私得伸鞠
育之報落成告備法會有嚴請命上穹馳神真聖
庶精誠之必達錫壽祉於無窮

內制朱表

景靈殿宣光殿奉安神宗皇帝御容罷散朱

表

元祐二年三月十四日

伏以馭風雲闕既參日月之光弭節琳宮尚答臣
民之望爰開法會庶歛真庭願推往聖之心永錫
函生之福

集禧觀洪福殿罷散謝雨道場朱表

伏以旱暵爲災禱求屢瀆賴神之賜霈澤以時益
至道之無私豈不德之能致載陳謝懇少荅靈休

中太一宮真室殿爲太皇太后消災集福罷

散天皇九曜道場朱表

元祐
二年

伏以仁者必壽信惟天地之心孝無不通宜從臣
子之欲虔遵道範仰叩真庭庶同海宇之誠上集

慈闈之福天威咫尺求聰明于我民聖壽萬年定
子孫于下地更推博施普及函生

內制疏文

景靈宮罷散奉安神宗皇帝御容道場功德

疏文

元祐二年
四月七日

伏以肇新寶構祗奉晬容脩妙供於朱庭結勝緣
於淨衆真游永奠法會告成普奠含生悉蒙餘祉
謹疏

興龍節功德疏五首

伏以上帝垂休真人誕降乾坤合契永爲慶喜之

辰草木何知舉有欣榮之意矧惟遭遇獲侍清閒
不緣梵釋之因曷致涓塵之效伏願皇帝陛下受
天之祿如川方增菴有漢唐之封疆倍萬唐虞之
壽考永均介福下及甬生

伏以三王之樂固常與天下同四海之心莫不欲
吾君壽以茲願力扣彼佛乘仰惟無礙之慈副我
必從之欲伏願皇帝陛下配天而治如日之中安
樂延年錫帝齡之無美寅畏享福過周曆以常新
下及海隅同躋壽域

伏以候嘉平之臘協氣克流歌長發之羣心踊

躍華夷交慶草木增榮矧惟扈從之私獲在封疆
之守敢緣願力祇叩佛乘仰惟無礙之慈副我必
從之欲伏願皇帝陛下配天而治如日之中安樂
延年錫帝齡之無美寅畏享福過新曆以常新下
及海隅同躋壽域

伏以瑞乙來翔共紀生商之兆羣龍下集適同浴
佛之辰爰崇勝因以薦多祉伏願皇帝陛下立民
之極先天不違福如南山之不蹇壽等西方之無
量集寧海宇永庇神天

伏以上帝立子將開太平之基下民歸仁自享延

鴻之壽不假龍天之會曷旌臣子之心伏願皇帝
陛下受祿無疆如川方至五兵不用同萬國之車
書多十克生達四門之耳目永均介福普及甬生

興龍節功德疏文二首

伏以明星出而佛前降黃河清而聖人生仰企至
仁同符大覺虔脩法會上祝鴻休伏願皇帝陛下
先天不違順帝之則清臺考象候南極之老人浩
劫紀年配西方之壽佛更均餘祉普及甬生

伏以長發其祥已誕膺於眷生至仁者壽本無待
於禱祈爰假佛慈以生民頌伏願皇帝陛下上德
不德日新又新旣醉陳詩具太平之五福無逸作
監繼迪哲於四人普願甬生成均景福

坤成節功德疏文七首

伏以功存社稷慶鍾高密之門澤及本枝天胙大
任之德候西風之協應占南極之嘉祥特啟真壇
仰祈睿筭順帝之則固不待於禱求應地無疆亦
難忘於祝頌

伏以慈儉之化無得而名保佑之功云何可報仰
首雲天之望傾心草木之微至哉坤元德旣超於
載籍養以天下福宜冠於古今敢冀神休永爲民

極

伏以寶儉以慈地無私載履信思順天且不違眷
惟江海之邦日蒙雨露之施民心所祝神聽必臨
祈萬壽於無疆庶羣生之永賴

伏以上帝儲休遺寶龜而降聖羣方仰德執瑞玉
以來賓恪修臣子之誠虔奉天人之禱供精蒲塞
文演員多致海衆之莊嚴廣潮音之清淨勝因所
集睿笑日隆恭惟太皇太后陛下伏願大安大榮
永對無窮之間時萬時億獨觀有道之長

伏以玉勝發祥金行正候合天人之寶運實華夏
之昌辰已格鴻休猶資善禱展祇園之淨供發秘
藏之真乘庶假良因益崇睿笑恭惟太皇太后陛
下伏願威神有截盡龍象以瞻依壽考無疆等乾
坤之久大

伏以神聖在御天地無可報之恩臣子何知佛老
無歸誠之法敢緣淨供仰祝遐齡恭惟太皇太后
陛下伏願日照月臨海涵岳峙帝簡好生之德錫
壽無疆民銜既富之仁保邦何極

伏以星火西流方歲功之平秩夕月既望昭陰德
之致隆凡我有生歸誠茲日佛身充滿天鑒聰明

身城全集卷之四十四
恭惟太皇太后陛下伏願享德三靈齊光兩曜坐
俟雲來之養受祿無疆屢觀甲子之周與民同樂

太皇太后本命歲功德疏文

一作正旦齋文

伏以天人合契輔成繼照之明歲月襲祥允協重
坤之象肇臨正旦寅奉德音盡海宇之無疆集緇
黃而來會旁推舜孝仰叩佛乘伏願太皇太后陛
下下順民心仰膺天保配西方之無量與南山而
不傾豈獨五音六律之旋再臨此歲將推三統九
會之復以上其年永與甯生共茲介福

景靈宮祈福道場功德疏文

伏以仁心浹物自然憂樂之同孝治格天宜爾感
通之速庶殫精懇仰叩上真恭惟太皇太后陛下
保佑聖神勤勞夙夜偶倦東朝之御未復太官之
常爰卽珠庭大陳妙供法音上達雖有假於雲章
民志下同自不勞於秘祝願膺勿藥之喜永保無
疆之休

同天節功德疏文

伏以天貽明德用昭通駿之聲卦應純乾實紀誕
彌之日仗法緣之有感祈聖壽之無疆恭惟皇帝
陛下生知堯舜之資力致商周之業神功特起聖

東坡全集卷之四十四
治日新人皆樂生物亦遂性惟時慶節共罄丹誠
用同東土之民少效華封之祝伏願潛憑勝力坐
擁休符福比岡陵之崇壽齊箕翼之永

代張安道進功德疏文

伏以聖神示化棄黃屋以上賓凡庶何知抱烏號
而永歎不有崇薦肩伸悃誠故依妙湛之尊特設
清淨之供庶憑法力仰導真游恭惟神宗皇帝陛
下伏願永證佛乘圓成道果儲神無極逍遙梵釋
之間卜世愈延跨越商周之盛至於含識並暢天
和

內制齋文

冬至福寧殿作水陸道場資薦神宗皇帝齋
文

伏以聖神陟降釋梵後先適更來復之辰茂薦往
生之福虔脩淨供仰導靈游

正旦於福寧殿作水陸道場資薦神宗皇帝
齋文

伏以棄黃屋以上賓莫追風馭抱烏號而永慕再
歷春朝敢仗勝緣式開淨供仰頌羲堯之德永追
梵釋之游

東坡全集卷之四十四
在京諸宮觀開啟神宗皇帝大祥道場齋文
伏以密音如昨新穀再升望仙馭於帝鄉陳法筵
於淨宇人天來會共脩最勝之緣梵釋同游永錫
無疆之慶

垂拱殿開啟神宗皇帝大祥道場齋文

伏以喪期有數方歎於壑舟法海無邊聊資於岸
楫有嚴秘殿恭啟淨筵時御六龍徘徊宮闕永同
千佛陟降人天

內中福寧殿下寒節為神宗皇帝作水陸道
場齋文

伏以甚雨疾風感春律之將變鑽燧改火悼喪期
之不留爰啟淨筵以資冥福願登大覺永濟困生
景靈宮宣光殿奉安神宗皇帝御容日開啟
道場齋文

伏以祠宮夙啟真室告成伏勝會於佛僧導靈游
於梵釋更推餘祉旁及含生

大相國寺開啟祈雨道場齋文

伏以旱暵既久麥禾將空仰惟天人之師宜專雲
雨之施庶幾慈愍寬我憂危

鄭州超化寺祈雨齋文

元祐
二年

身城全集卷之四十四
伏以常暘為災歷時愈熾秋穀未藝夏苗將空天
意未回佛慈所愍願以不思議智力大解脫神通
特與法雲普賜甘澤

鄭州超化寺謝雨齋文

等慈應物不倦於禱求神智無方何難於膏澤旱
沴既弭農民其康仰惟不宰之功豈待有為之報
爰脩淨供少達純誠

十月一日永裕陵下宮開啟資薦神宗皇帝

道場齋文

元祐二年九月二十一日

橋山永望莫瞻弓劍之餘陽月載臨徒增霜露之

感招延淨眾崇建梵筵庶集勝因仰資真馭

西京會聖宮應天禪院奉安神宗皇帝御容

禮畢開啟道場齋文

元祐二年十月

原廟告成神游既奠雖聖靈之無礙對越在天從
世法之有為歸依於佛普願幽明之域悉登淨妙
之庭集此勝因以資仙馭

後苑瑤津亭開啟祈雨道場齋文

元祐三年六月二十二日

六月徂夏方金火之爭三農望秋乏雷雨之施嗟
人何罪逢歲之艱自非妙覺之等慈孰拯疲民於
重困有嚴禁苑祗建淨筵念我憂勞錫之膏澤非

東坡全集卷之四十四
獨起焦枯於田野抑將掃疾疫於里閭嘉與合生
永均介福

又元祐三年八月二十日

伏以常暘之沴歷月于茲近自都畿遠及關輔豈
獨西成之害將爲宿麥之憂仰止覺慈必垂善救
普集山川之守來登梵釋之筵罔吝膏濡以興焦
槁

後苑瑤津亭開啟謝雨道場齋文

元祐三年六月六日

伏以祗畏之心格人天於影響覺慈之力反水旱
於屈伸周澤載濡農田告足旣解蘊隆之患庶無
流潦之虞仰冀能仁曲垂昭鑒

顯聖寺壽聖禪院開啟太皇太后消災集福

粉壇道場齋文

元祐三年七月二十七日

伏以躬儉節用本嚴房闔之風遺大投艱猥當廟
社之寄常恐德之弗類以召災于厥身敢卽仁祠
肆陳淨供恭延梵釋普施人天俾壽而康非獨輔
安於寡昧與民同利固將燕及於華夷仰冀能仁
曲垂昭鑒

景靈宮宣光殿開啟神宗皇帝忌辰道場齋

文

元祐四年二月五日

東坡全集卷之四十四
伏以至德難名已立配天之極孝思永慕益有終
身之憂惟是佛乘庶資冥福屬弓劍上賓之日就
衣冠出游之庭虔設淨筵俾嚴勝果庶超真覺永
庇含生

奉宸庫翻修聖宇等庫了畢安慰土地道場

齋文

元祐三年七
月二十九日

伏以貨幣所藏有壞必葺聰直之鑒既成乃安爰
仗佛慈以綏神守庶期昭格永底純熙

內制祝文

奏告天地社稷宗廟宮觀寺院等處祈雨雪

青詞齋祝文

伏以暮年以來水旱作沴迨茲徂歲復苦常暘疾
疫將興農末俱病方齋居而默禱庶精意之登聞
敢祈春臘之交沛然雨雪之賜願均介福敷錫羣
生

五嶽四瀆等處祈雪祝文

伏以歷冬不雪兩歲之憂疾癘將興麥麩就槁分
命守土告于有神下民其咨天聽不遠毋愛同雲
之澤以成盈尺之祥苟利于民敢忘其報

內中添蓋諸帝后神御殿告遷御容權奉安

於慈氏殿祝文

於皇帝考肇啟闕祠方增築之未寧懼格思之有
瀆別嚴淨宇祇奉粹容式燕聖靈永綏慈嘏

內中慈氏殿告遷神御於新添脩殿安奉祝
文

伏以增築告成闕嚴有真儼衣冠之來復愾歎息
之疑聞昭格穆清永綏燕翼

景靈宮奉安神宗皇帝御容祝文

伏以恭承仙馭奄宅珠庭罄海宇以駿奔儼人天
之景從願回日月之照少荅神民之心乃眷新宮

永垂餘慶

天章閣權奉安神宗皇帝御容祝文

伏以唐虞稽古雖絕名言文武重光已新崇構下
慰華夷之望仰慕天日之容將往宅於靈宮永懷
攀慕願少安於秘殿無盡瞻依

內中神御殿張挂奉安神宗皇帝御容祝文

伏以祥祭告終聖靈改御優如在位威不違顏雖
天日之光固難形似而神人之奉永有瞻依悲慕
愈深照臨無極

神宗皇帝大祥祭訖徹饌除靈座時皇帝躬

親扶神御別設一祭祝文

伏以俛就終喪禮當卽遠永瞻陵廟將徹几筵攀慕若疑追懷罔極

景靈宮宣光殿奉安神宗皇帝御容畢皇太后親詣行禮祝文

伏以奕奕祠宮巍巍天像聖靈雖遠哲命惟新仰瞻如在之威永錫無疆之慶敢祈昭鑒下燭微誠天地社稷宗廟神廟等處祈雨祝文

德惟弗類致常暘之災斯民何辜有荐饑之懼浹旬不雨麥禾皆空循省再三夙夜祇慄引領雲霓之望援手溝壑之餘旣窮之詞其忍弗聽

五嶽四瀆等處祈雨祝文

期年以來水旱作沴振廩同食冠蓋相望已責勸分公私金竭惟待一熟之麥以蘇垂死之民而冬不用以徂春苗將秀而不實顧惟冲昧有失政刑感傷陰陽延及鰥寡旣非下民之罪亦豈上帝之心惟神聰明毋愛膏澤則民有息肩之漸神無乏祀之憂

五嶽四瀆等處祈雨祝文

天人之交應若影響雨暘不順咎在貌言失之戶

庭害及寰宇求治雖切不當天意之中聽言雖多未聞民病之實刑罰有過賦役未平一人之愆百姓何罪避坐徵膳猶當許其自修悔既轉災無或救之將墜於神蓋反掌之易而民免擠壑之憂仰瞻雲霓待命旦夕

五嶽四瀆等處謝雨祝文

乃者常暘爲災歷時愈熾念咎責已寧丁我躬求哀籲天並走羣望果蒙膏澤之賜一拯流亡之餘我愧于民敢廢無災之懼神終其賜願必有年之祥

神宗皇帝禫祭太皇太后親行祝文

寒暑之變忽焉再朞練祥之餘復將三月勉從卽吉之典莫遂無窮之哀

神宗皇帝禫祭皇帝親行祝文

旣祥之餘徙月而吉迫於先王之禮徒有終身之憂瞻仰聖靈伏深感慕

神宗皇帝禫祭皇太后親行祝文

喪期有數禫月告終哀雖未忘禮弗敢過追慕之至中外所同

永裕陵修移角堠門戶栢窠奏告神宗皇帝

祝文

園寢之奉巡行以時增植所宜卜云其吉先事而告亦禮之常

永裕陵脩移角堠門戶栢窠祭告土地祝文
園寢之奉栽植以時惟爾有神實嚴所守敢祈昭鑒永底平寧

景靈宮天興殿開淘井眼祭告里域真官祝文

神游之庭井泥不食日辰之吉浚治以時諗爾明靈庶無悔吝

太皇太后皇太后皇太妃受冊奏告太廟并諸陵祝文

伏以祗事親闈庶幾孝治配德祖考旣務極於推崇篤生眇冲亦敢忘於褒顯將奉寶冊率循舊章涓日甚良先期以告

西京應天禪院會聖宮修神御帳座畢功告遷諸神御祝文

頃詔有司恭脩幄座暫安別殿以作庶工旣匠事之告成宜真游之來復願垂昭鑒及此良辰

西京應天禪院會聖宮脩神御帳座畢工奉

神宗皇帝御容

維神宗皇帝受天降之吉靈游永奠復瞻天日之

光宗皇帝御容

神宗皇帝御容

神宗皇帝御容

神宗皇帝御容

神宗皇帝御容

光宗皇帝御容

神宗皇帝御容

日奏告諸帝祝文

元祐二年八月

三靈眷命六聖在天崧洛之間仙釋所館惟茲吉
禘之始當祔出游之庭念彼元臣昔皆侑食一新
惟肖之像永陪如在之神敢冀威靈曲垂昭鑒

神宗皇帝御容進發前一日奏告天地社稷

宗廟等處祝文

元祐二年九月二十五日

祗畏天明率循祖武進衣冠之原廟鎮崧洛之靈
祠恭擇良辰啟行仙馭分遣執事並告有神

生擒西蕃鬼章奏告永裕陵祝文

元祐二年九月

大獮獲禽必有指蹤之自豐年高廩孰知耘耔之

勇城全錄卷之四十四
勞憊彼西戎古稱右臂自嘉祐末兀征擾邊至熙寧中董氈方命於赫聖考恭行天誅非貪尺寸之疆蓋爲民除蠱螫遂建長久之策不以賊遺子孫而西蕃大首領鬼章首犯南川北連拓拔申命諸將擇利而行旋聞偏師無往不克吏士用命爭酬未報之恩聖靈在天難逃不漏之網已於八月戊戌生獲鬼章頡利成擒初無渭水之耻卸支授首聊報谷吉之冤謹當推本聖心益脩戎略務在服近而來遠期於偃革以息民仰冀威神曲垂昭鑒
西京會聖宮應天禪院奉安神宗皇帝御容

奏告諸帝祝文

於穆神考陟配在天有嚴祠宮從祀我祖時日協吉聖靈其安寵綏後人永錫純嘏

西宮應天禪院會聖宮奉安神宗皇帝神御

祝文

於皇在天不冒下土矧此山陵之近顧瞻兩都宅

於嵩洛之間上聯五聖有嚴淨宇會聖宮改爲真館祇奉

粹顏願追梵釋之遊會聖宮改爲仙聖之遊永荅人天之望

太皇太后皇太后皇太妃受冊禮畢奏謝天

地社稷宗廟諸宮觀并諸陵祝文元祐二年十月十日

至哉坤元政必先於治內養以天下孝莫大於尊
親昔首正於號名今復嚴於典冊禮樂既具神人
允諧分命邇臣恭致成事仰祈昭鑒永錫鴻休諸神

廟分命邇臣句
改分命有司

東太一宮翻脩殿宇奉告十神太一真君祝

文

元祐四年二月二十五日

於穆祠宮有嚴春祀吏以時而按視工揆日以脩
完庶就絜新永綏靈御仰祈昭鑒大庇含生

西路闕雨於濟瀆河瀆淮瀆廟祈雨祝文

伏以水旱之事山川所司農服穡以有秋天密雲

而不雨愧我不德瀆於有神願爲三日之霖大慰
一方之望國有常報我其敢忘

永定院脩蓋舍屋奏告諸帝后祝文

具嚴淨宇祇奉寢園眷惟焚燎之餘少緩增修之

役仰祈昭鑒永底燕寧

永定院脩蓋舍屋祭告土地祝文

元祐二年

伏以向因遺燼延及淨祠爰擇良辰以興衆役宜
茲遣使詔示有神

內制祭文

太皇太后祭奠故夏國主祭文

乃眷外臣嗣守西服襲累世之忠順荷先朝之寵
光惟天難忱錫命不永計音遽至閔悼良深特遣
使車往陳奠幣庶此息禮貫于幽明

故皇叔祖昭信軍節度使檢校司空開府儀
同三司漢東郡王宗瑗堂祭文

惟王之生令德孝恭云何不淑罹此閔凶無復會
朝載惻予哀往奠其寢維以飾終

故皇叔祖昭信軍節度使檢校司空開府儀
同三司東漢郡王宗瑗下事祭文

嗚呼死生之變賢愚莫逃日月有時義當卽遠哀

榮之極禮以告終來舉奠觴往安窀穸

皇叔故魏王啟殯祭文

惟靈襲累朝之餘慶兼天下之達尊祖送之儀哀
榮斯極永惟宅兆之下未逢歲月之良參酌時宜
遷神郊館啟殯之始寓哀斯文

皇叔故魏王外殯前一夕夜祭文

惟王之生孝友仁慈旣沒元身舉國懷思矧予冲
眇義兼父師天不我遺日月如馳出次近郊寓此
仁祠親奠莫及寧知我悲

皇叔故魏王下事祭文

東坡全集卷之四十四
惟靈出就外邸二年于茲一日不見企予望思矧
此告終月逝日遠雖云近郊寧復旋返築室祠宮
既固既完雖非永歸亦可少安嗚呼哀哉

故贈太師追封溫國公司馬光安葬祭文

嗚呼元豐之末天步惟艱社稷之衛中外所屬惟
是一老屏予一人名高當世行滿天下措國於太
山之安下令於流水之源歲月未周紀綱略定天
若相之又復奪之殄瘁不哀古今所共知之者神
考用之者聖毋馴致其道太平可期長爲宗臣以
表後世徃奠其葬庶知予懷

故渭州防禦使宗孺出殯一夕祭文

惟靈飭躬寡過秉德不回莫克永年遂卽長夜哀
榮之典國有故常死喪之戚予惟惻愴

故渭州防禦使宗孺下事祭文

嗚呼宗枝之秀惟此降災日月有時禮當卽遠奄
臨窀穸肆設几筵徃致予哀來歆此奠

故聽宣劉氏堂祭文

奉侍有年肅雍靡懈今其亡矣良用惻然沒而有
知來舉此奠

故聽宣劉氏墳所祭文

東坡全集卷之四十四
三
盡瘁內職歸全近郊旣掩諸幽往致斯奠賁其窀
穸極爾哀榮

故尚官吳氏墳所祭文

惟爾之生服勤乃事逢日之吉歸全于郊式榮其
終往致斯奠

故尚服劉氏堂祭文

惟靈選備禁廷服勤內職逮茲淪謝良用愍傷饋
奠之儀哀榮兼至

故尚服劉氏墳所祭文

惟靈服勤有年罹命不淑窀穸之事日月有時念

爾永歸歆予一奠

內制導引歌辭

奉安神宗皇帝御容赴景靈宮導引歌辭

帝城父老三歲望堯心天遠玉樓深龍顏髣髴笙
簫遠腸斷屬車音離宮春色瑣瑤林雲闕海沉沉
遺民猶唱當時曲秋鴈起汾陰

迎奉神宗皇帝御容赴西

京會聖宮應天禪院奉安導引歌辭

經文緯武十有九年中遺烈震羗戎渭橋夾道千
君長猶是建元功西瞻温洛與神崧蓮宇照瓊宮
人間俛仰成今古流澤自無窮



國家圖書館, NATIONAL CENTRAL LIBRARY, TAIWAN, R.O.C.

東坡全集卷之四十四

三

東坡先生全集卷之四十五

貼子詞樂語

春貼子詞 元祐二年

皇帝閣六首

藹藹龍旂色琅琅木鐸音
敷行寬大詔四海發生
心

暘谷賓初日清臺告協風
願如風有信長與日俱
中

草木漸知春萌芽處處新
從今八千歲合抱是靈
椿

聖主憂民未解顏天教瑞雪報豐年蒼龍挂闕農
祥正一作慶老穉相呼看藉田

昨夜東風入律新玉關知有受降人聖恩與解河
湟凍得共中原草木春

翰林職在明光裏行樂詩成拜舞中不待驚開小
桃李始知天子是天公

太皇太后閣六首

私 凋刻春何力欣榮物自知發生雖有象覆載本無

小殿黃金榜朱簾白玉鈎一聲雙日蹕春色滿皇

州

仗下春朝散宮中晝漏稀兩廂休侍御應下讀書

帷

五日占雲十日風憂懃終歲爲三農春來有喜何
人見好學神孫類祖宗

共道十年無臘雪且欣三白歷春田盡驅南畝扶
犁手稍發中都朽貫錢

不獨清心能省事應緣克己自消兵傳聞塞外千
君長欲趨新年賀太平

皇太后閣六首

寶冊瓊瑤重新庭松桂香雪消春未動碧瓦麗朝陽

瑞日明天仗仙雲擁壽山倚欄春晝永金母在人間

春朝罷金鋪掩人閑寶瑟塵欲知慈儉德書史樂青

仙家日月本長閒送臘迎春豈亦一作偶然翠管銀

璽傳故事金花綵勝作新年形史年來不絕書三朝德化婦承姑宮中侍女減珠翠雪裏貧民得袴襦

邊庭無事羽書稀閑遣詞臣進小詩共助至尊歌
喜事今年春日得春衣

皇太妃閣五首

長葦桃猶在戶椒栢已稱觴歲美風先應朝回日漸

稜甲觀開千柱飛樓擢九層雪殘烏鵲喜翔舞下觚

孝心日奉東朝養健德應師大練一作太妃風太史新

年瞻瑞氣四星明潤紫宮中九門掛月未催班清禁風和玉漏閑崇慶早朝銀

燭下珮環聲在五雲間

東風弱柳萬絲垂的皜殘梅尚一枝
蠶館乍欣蠶浴後
襟壇猶記燕來時

夫人閣四首

綵勝縷新語酥梨滴小詩
昇平多樂事應許外庭知

細雨曉風柔春深入御溝
已漂新荇沒猶帶斷水流

扶桑初日映簾昇已覺銅餅暖不冰
七種共挑人日菜千枝先剪上元燈

雪消鴛瓦已流澌風暖犀盤尚鎮帷
縹眇紫簫明月下壁門桂影夜參差

端午貼子詞 元祐三年

皇帝閣六首

盛德初融後潛陰未妬時
侍臣占易象明兩作重離

採秀擷羣芳爭儲百藥良
太醫初薦艾庶草驗蕃昌

微涼生殿閣習習滿
皇都試問吾民愠南風爲解無

西檻新來玉宇風侍臣茗盞得雍容庭槐似識天
顏喜舞破清陰作兩龍

講餘交翟轉回廊始覺深宮夏日長揚子江心空
百鍊只將無逸鑑興亡

一扇清風灑百寒應緣飛白在冰純坐知四海蒙
膏澤沐浴君王德似蘭

太皇太后閣六首

漸臺通翠浪暑殿轉清風簾捲東朝散金烏未遽
中

日永蠶收簇風高麥上場朝來藉田令菰黍獻時

芳

舞羽諸羗伏銷兵萬彙蘇只應黃紙詔便是赤靈
符

令節陳詩歲歲新從官何以壽吾君願儲醫國三
年艾不作沉湘九辨文

忠臣諒節今千歲孝女孤風滿四方不復巫陽占
郢夢空餘仲御扣河童

長養恩深動植均只憂貪吏尚殘民外廷已拜臬
羨賜應助吾君去不仁

皇太后閣六首

露簾琴書冷
瑤槃餐餌新
深宮猶畏日
應念暑耘人

萬壽菖蒲酒
千金琥珀盃
年年行樂處
新月掛池臺

翠筒初室棟
蔞黍復纏菰
水殿開冰鑑
瓊漿凍玉壺

秘殿扶踈夏
木深雨餘初
有一蟬吟應
將羸女乘鸞扇
更助南風長棘心

上林环木暗
池臺蜀產吳
包萬里來不獨槃
中見盧橘時於櫻
裏得楊梅

閔楚遺風萬古情
湘沅舊俗到金明
翠輿黃繖何時幸
畫鷁飛鳧盡日橫

皇太妃閣五首

午景簾櫳靜
薰風草木酣
誰知恭儉德
綵縷出親蠶

雨細方梅夏
風高已麥秋
應憐百花盡
綠葉暗紅榴

辟兵已佩靈符小
續命仍縈綵縷長
不爲祈禳得天助
要隨風俗樂時康

玉盆沉李灑清泉
金鴨噓空裊細煙
自有梧楸鄣

畏日仍欣麥黍報豐年

良辰樂事古難同
繡重朱絲奉兩宮
仁孝自應獲
百沴艾人挑印本無功

夫人閨四首

肅肅禮庭干
沉沉玉漏稀
皇恩樂佳節
闈草得珠璣

節物荆吳舊
嬉游禁掖開
仙風隨畫筵
拜賜落人間

五綵縈筒秫稻香
千門結艾鬢髯張
旋開寶典尋風物
更及靈辰共被襦

欲曉銅餅下井欄
鏗鎧金殿發清寒
似聞人世南風熱
日上墻東問幾竿

內中御侍以下賀冬至詞語
元祐二年十月二十日

皇帝

伏以月臨天統首冠於三正
氣應黃宮復來於七日
君道寢長陽德光亨
恭惟皇帝陛下
清明在躬
仁孝遍物
垂衣南面
天何言而四時成
問學西清
日將旦而群陰伏
裔夷奔走
年穀順成
豈惟四海
之歡心
自識三靈之陰
贊如川方至
受命無疆
妾等待罪掖庭
備員婦職
共慶一陽之節
敢陳萬歲

之觴

太皇太后

伏以消長有時候微陽之來復賢愚同慶知君子之彙征德化所加神人並應恭惟太皇太后陛下睿明天縱慈儉身先振河嶽以不傾之無私義順陰陽而自化天且不違成功已迺於漢唐論德蓋高於任姒大有上吉方獲助於三靈既醉太平當純備於五福妾等職叅長御心奉慈闈慶陽德之方來願天壽之平格

皇太后

伏以矇眊奏功驗人和於緹室日宮占物效歲美於黃雲慶自宮庭澤均海宇恭惟皇太后殿下輔佐內治儀刑王家推美國風夙茂周南之化考祥義易共成坤厚之功方迎日於三微敢稱觴於萬壽豈獨宮闈之願實同中外之驩妾等猥以微軀被蒙慈渥仰獻岡陵之祝庶殫草木之誠

內中御侍以下賀年節詞語

元祐二年十一月一日

皇帝

伏以齊七政於璣衡天人並應受三朝之圖籍海宇來同恭惟皇帝陛下至仁無私神武不殺祖述

堯帝歷象以授民時儀刑文王正家而齊天下方
肇新於歲律宜嚮用於神休妾等幸侍禁嚴仰陶
化育願上萬年之壽永膺百順之祥

太皇太后

伏以太族旋宮旣贊揚而出滯勾芒司歷方布德
以緩刑恭惟太皇太后陛下化始六宮風行九有
捐財振廩救民溝壑之中求賢審官拔士茆茨之
下方履端之資始膺景福於無疆妾等幸侍禁嚴
粗供婦職願獻岡陵之壽少輸草木之誠

皇太后

伏以三元資始磔禳以餞餘寒萬寶更新燔烈以
興嗣歲恭惟皇太后殿下道光瀉汭德配周南輔
導兩朝孝慈格於上下儀形九御恭儉聞於邇遐
順履三陽誕膺百祿妾等幸班禁掖久被餘光莫
報生成之恩但祝靈長之算

內中御侍已下賀冬至詞語

元祐三年十一月三十日

皇帝

伏以日合天統時推建子之正律中黃鍾氣驗微
陽之應德施自上惠均於民伏惟皇帝陛下道配
皇王化行夷夏觀其來復見乎天地之心靜以無

爲待此陰陽之定雲物告瑞宮聲協和豈惟至治
之祥自得上天之祐一人有慶萬壽無疆妾等蒙
被天光叨塵婦職敢獻如山之祝庶同率土之歡

太皇太后

伏以書奏清臺驗曆家之邃密日移黃道迎化國
之舒長寰宇和平宮闈歡豫恭惟太皇太后陛下
教隆陰禮位正坤儀嗣太任之徽音道光千古衣
明德之大練儉化六宮體柔靜以臨朝配清明而
燭物慶雲可望共占至治之祥彤史何知莫贊無
爲之德妾等猥參女職仰奉慈顏因來復之一陽

祝無疆之萬壽

皇太后

伏以候氣葭灰喜律筒之已應課功綵線知宮日
之初長品物向榮掖廷胥悅恭惟皇太后殿下母
臨四海婦應東朝求賢審官但有憂勤之志躬儉
節用豈忘澣濯之衣宜福祿之日康樂宮闈之無
事妾等濫塵女職獲奉慈顏願先柏酒以稱觴更
指椿年而獻壽

紫宸殿正旦教坊詞

元祐四年

教坊致語

東坡全集卷之四十五
臣聞行夏之時正莫加於人統採周之舊王方在
於鎬京惟吉月之布和休庶工而未作使華遠集
隣好交修萃簪笏於九門來車書於萬里將興嗣
歲以樂太平恭惟皇帝陛下躬履至仁誕膺眷命
法天地四時之運民日用而不知傳祖宗六聖之
心我無爲而自化九德咸事三年有成始御八音
之和以臨元日之會人神相慶夷夏來同臣等忝
與賤工得親壯觀知輿情之願頌顧盛德之難形
不度荒蕪敢進口號

口號

九霄清蹕一聲雷萬物欣榮意已開曉日自隨天
仗出春風不待斗杓回行看菖葉催耕籍共喜椒
花映壽杯欲識太平全盛事振振鷓鴣驚滿雲臺

勾合曲

東風應律南籥在庭餞臘迎春方慶三朝之會登
歌下管願聞九奏之和上悅天顏教坊合曲

勾小兒隊

工師奏技咸踴躍以在庭穉孺聞音亦回翔而赴
節方資共樂豈間微情上奉宸歡教坊小兒入隊

隊名

仙山來絳節雲海戲羣鴻

問小兒隊

六樂充庭九賓在列何彼垂髫之侶欲陳振袂之
能必有來誠少前敷奏

小兒致語

臣聞正月上日萬彙所以更新羣臣嘉賓四方於
是觀禮雪方占於上瑞風已告於先春及此良辰
設爲高會恭惟皇帝陛下子來九有天覆兆民煥
乎其有文章昭然若揭日月安西都護來輸入國
之琛南極老人出效萬年之壽還圭璋於鄰使受

圖籍於春朝擊石攬金奏鈞天之廣樂跳毬舞索
戲平樂之都場臣等沐浴太平詠歌新歲鼓舞咸
韶之韻踰揚鳥獸之間未敢自專伏候進止

勾雜劇

以雅以南旣畢陳於衆技載色載笑期有悅於威
顏舞綴暫停優詞間作金絲徐韻雜劇來歟

放小兒隊

酒闌金殿旣均湛露之恩漏減銅壺曲盡流風之
妙望彤墀而申祝整翠袖以言歸再拜天堦相將
好去

集英殿春宴教坊詞

教坊致語 中和化育萬壽排場

臣聞人和則氣和故王道得而四時正今樂猶古樂故民心悅而八音平幸此聖朝陶然化國飭三農於保介維莫之春興五福於太平既醉以酒恭惟皇帝陛下乘乾有作出震無私憲章六聖之典謨斟酌百王之禮樂天方胙於舜孝人已誦於堯言故得彝倫敘而水土平北流軌道壬人退而蠻夷服西旅在庭稍寬中吳之憂一均湛露之澤方將麴蘖羣賢而惡旨酒鼓吹六藝而放鄭聲雖白雪陽春莫致天顏之一笑而獻芹負日各盡野人之寸心臣猥以賤工叨塵法部幸獲望雲之喜敢陳擊壤之音不揆蕪才上進口號

口號

萬人歌舞樂芳辰長養恩深第四春令下風雷常有信時來草木豈知仁璿璣已正三堦泰玉琯初知九奏純更欲年年同此樂故應相繼得元臣

勾合曲

太平無象善萬物之得時和氣致祥喜八風之從律大合鈞天之奏克諧治世之音上奉嚴宸教坊

夏均全集卷之四
三
合曲

勾小兒隊

斑白之老既無負戴之憂齠齖之童亦遂嬉游之樂行歌道路聯袂闕庭仰奉宸慈教坊小兒入隊

隊名

初成暮春服來獻太平謠

問小兒隊

聚戲里閭豈識九重之奧成文綴兆忽隨六樂之和宜近彤墀悉陳來意

小兒致語

臣聞春爲陽中生物各遂其性樂以天下聖人豈私其身故飲食盡忠臣心而遊豫爲諸侯度方遲日之無事矧嗣歲之有年大啓璧門肅陳燕豆恭惟皇帝陛下道隆而德備質文而性仁總攬羣才蓋天受之神策澄清庶政故民獻以寶符顧良辰樂事之難并宜羣臣嘉賓之僉集廣場千步方山立於衆工大樂九成固海甸於雜技臣等沐浴膏澤咏歌昇平幸以髣髴之微得參舞羽之末敢干宸聽伏俟俞音

勾雜劇

臚傳已久陛楯將更宜資載笑之歡少進羣優之
技緩調絲竹雜劇來歟

放小兒隊

清歌曼奏蓋曲盡於下情妙舞載陳示不遺於小
物既畢沛風之和稍同沂水之歸再拜天堦相將
好去

勾女童隊

燕私之樂下侍於臣工靡曼之觀聊同於俚俗審
音而作振袂稍前上奉宸歡兩軍女童入隊

隊名

五日明歌扇仙飈動舞衣

問女童隊

工師奏技侍衛聳觀顧游女之何施集彤庭而有
待欲知來意宜悉敷陳

女童致語

妾聞聖人授民以時王者與衆同樂故倉庚鳴而
蠶女出游魚躍而靈沼春蓋良辰豈易得哉亦賢
者而後樂此伏惟皇帝陛下溫恭允塞緝熙光明
學無常師文武識其大者仁能濟衆堯舜其猶病
諸齊泰階之六符走重譯之萬里天人並應禮樂

東坡全集卷之四十五
將興豈惟塵土之賤微敢度乾坤之廣大萬舞九
奏雖未象於成功間歌三終亦庶幾於頌德欲殫
末技少効寸誠

勾雜劇

風斜御柳旣窮綺麗之觀日轉庭槐少進詠優之
戲再調絲竹雜劇來歟

放女童隊

翠袖風回已盡折旋之妙文茵霞卷尚觀顧步之
餘再拜天墀相將好去

集英殿秋宴教坊詞

教坊致語

臣聞天無言而四時成聖有作而萬物覩清淨自
化雖仰則於帝心愷悌不回亦俛同於衆樂屬此
九秋之候粲然萬寶之成吾王不游何以勞農而
休老君子如喜則必大亨以養賢恭惟皇帝陛下
孝通神明仁及草木行堯禹之大道守成康之小
心華夷來同天地金應以謂福莫大於無事瑞曷
加於有年南極呈祥候秋分而老人見西夷慕義
涉流沙而天馬來嘉與臣工肅陳燕俎禮元侯於
三夏諧庶尹於九成宣示御觴聳近臣之榮觀臚

東坡全集卷之四十五
傳天語溢兩廡之歡聲臣等幸覲昌辰叨塵法部
採謠言於擊壤助矇眊之陳詩仰奉威顏敢進口
號

口號

霜霏碧瓦尚生烟日泛彤庭已集仙藹藹四門多
吉士熙熙萬國屢豐年高秋爽氣明宮殿元祐和
聲入管絃菊有芳兮蘭有秀從臣誰和白雲篇

勾合曲

西風入律間歌秋報之詩南籥在廷備舉德音之
器絃匏一倡鐘鼓畢陳上奉宸嚴教坊合曲

勾小兒隊

皇慈下逮罄百執以均歡衆技畢陳示四方之同
樂宜進垂髫之侶來修秉翟之儀上奉威顏教坊
小兒入隊

隊名

登歌依頌磬下管舞成童

問小兒隊

大君有命肆陳管磬之音童子何知入造工師之
末欲詳來意宜悉奏陳

小兒致語

東坡全集卷之四十五
臣聞天行有信正得秋而萬寶成君德無私日將
旦而羣陰伏清風應律廣樂在庭占歲事於金穰
望天顏之玉粹沐浴膏澤詠歌升平恭惟皇帝陛
下天縱聰明日躋聖知無一物之失所得萬國之
驩心雖擊壤之民固何知於帝力而後天之祝亦
各抒於下情臣等幸以齟齬之年得居仁壽之域
詠舞雩於沂水久樂聖時唱銅鞮於漢濱空慙郢
一作曲願陳舞綴少奉宸歡未敢自專伏候進止

勾雜劇

朱絃玉琯屢進清音華翟文竿少停逸綴宜進詠

諧之技少資色笑之歡上悅天顏雜劇來歟

放小兒隊

回翔丹陛已陳就日之誠合散廣庭曲盡流風之
妙歌鐘告闕羽籥言旋再拜天階相將好去

勾女童隊

錦薦雲舒來九成之丹鳳霞衣鱗集隱三疊之靈
鼉上奉宸嚴教坊女童入隊

隊名

香雲浮繡屐花浪舞彤庭

問女童隊

清禁深嚴方縉紳之雲集仙音暉綬忽簪珥之星
陳徐步香茵悉陳來意

女童致語

妾聞鈞天廣樂空傳帝所之游閭闔清風理絕庶
人之共夫何仙聖靡隔塵凡仰瞻八采之威共慶
千齡之運恭惟皇帝陛下乾健而粹離明而文規
摹六聖之心人將自化儀刑文母之德天且不違
樂茲大有之年申以宗慈之會虞韶既畢夏籥將
興妾等分綴以須審音而作願俟工歌之闋少同
率舞之歡未敢自專伏取進止

勾雜劇

絃匏迭奏干羽畢陳洽聞舜樂之和稍進齊諧之
技金絲徐韻雜劇來歟

放女童隊

羽觴湛湛方陳旣醉之詩鼉鼓淵淵復奏言歸之
曲我鬢佇立歛袂却行再拜天階相將好去

興龍節集英殿宴教坊詞

元祐二年

教坊致語

臣聞帝武造周已兆興王之迹日符胙漢實開受
命之祥非天私我有邦惟聖乃作神主仰止誕彌

之慶集於建丑之正瑞王旅庭爰講比鄰之好虎
臣在泮復通西域之琛式燕示慈與人均福恭惟
皇帝陛下睿思冠古濟哲自天煥乎有文日講六
經之訓述而不作思齊累聖之仁夷夏宅心神人
協德卜年七百方過曆以承天有臣三千咸一心
而戴后彤庭振萬王座傳觴誦干戈載戢之詩作
君臣相悅之樂斯民何幸白首太平臣猥以微生
親逢盛旦始慶猗蘭之會願賡擊壤之音下採民
言上陳口號

口號

凜凜重瞳日月新四方驚喜識天人共知若木初
升旦且種蟠桃莫計春請吏黑山歸屬國給扶黃
髮拜嚴宸紫皇應在紅雲裏試問清都侍從臣

勾合曲

祝堯之壽旣罄於歡謠象舜之功願觀於備樂羽
旄在列管磬同音上奉宸嚴教坊合曲

勾小兒隊

魚龍奏技畢陳詭異之觀齟齬成童各效回旋之
妙嘉其尚幼有此良心仰奉宸慈教坊小兒入隊

隊名

兩階陳羽籥萬國走梯航

問小兒隊

工師在列各懷自獻之能俛子盈庭必有可觀之
技未知來意宜悉奏陳

小兒致語

臣聞生民以來未有祖宗之仁厚上帝所眷錫以
聖神之子孫孚佑下民篤生我后瞻舜瞳之日月
望堯顙之山河若帝之初達四聰於無外如川方
至傾萬宇以來同恭惟皇帝陛下齊聖廣淵剛健
篤實識文武之大者體仁孝於自然歌詩思齊見

文王之所以聖誦書無逸法中宗之不敢康誕日
載臨輿情共祝神筴授萬年之筭洛書開五福之
祥臣等嬉遊天街沐浴阜花欲陳舞蹈之意不知
手足之隨未敢自專伏取進止

勾雜劇

金奏鏗純既度九韶之曲霓衣合散又陳八佾之
儀舞綴暫停伶優間作再調絲竹雜劇來歟

放小兒隊

遊童率舞逐物性之熙怡小技畢陳識天慈之廣
大清歌既闋疊鼓屢催再拜天堦相將好去

勾女童隊

垂鬟在列歛袂稍前豈知北里之誠敢獻南山之
壽霓旌空集金奏方諧上奉威顏兩軍女童入隊
隊名
君臣千載遇歌舞八方同

問女童隊

摻搗屢作旌旆前臨顧游女之何能造彤庭而獻
技欲知來意宜悉奏陳

女童致語

妾聞瑞乙來翔共紀生商之兆羣龍下集適同浴

佛之辰佳氣充庭和聲載路輦出房而雷動扇交
翟以雲開喜動人天春還草木恭惟皇帝陛下凝
神昭曠受命穆清三后在天宜興王之世有四人
廸哲知享國之無窮乃眷良辰欲均景福庭設九
賓之禮樂歌四牡之章妾等幸覲昌期獲瞻文陛
雖乏流風之妙願輸率舞之誠未敢自專伏候進
止

勾雜劇

清淨自化雖莫測於宸心詼笑雜陳示俛同於衆
樂金絲再舉雜劇來歟

放女童隊

分庭久立漸移愛日之陰振袂再成曲盡回風之態龍樓却望鼉鼓屢催再拜天階相將好去

興龍節集英殿宴教坊詞

教坊致語

臣聞天所眷命生而神靈惟三代受命之符萃於茲日實萬世無疆之福延及我民候南極之祥輝交北鄰之瑞節同趨鎬燕爭頌堯封恭惟皇帝陛下稽古溫文乘乾剛粹體生知而猶學藏妙用於何言故得六聖承休三靈眷佑德隆星晷齊六符

而泰階平河行地中錫九疇而彛倫正屬誕彌之今日履長發之嘉祥夙設九賓於廷遍舞六代之樂日無私於臨照葵藿自傾天有信於發生勾萌必達臣等濫塵法部獲造彤墀下採民言得三萬里之謠誦登歌壽筭以八千歲爲春秋不度蕪音敢進口號

口號

風卷雲舒合兩班瞳瞳瑞日映天顏觀書已獲千秋鏡積德長爲萬歲山臘雪未消三務起壬人不用五兵閑相逢父老爭相賀却笑華胥是夢間

勾合曲

笙磬同音考中聲於神鼓鳥獸率舞浹和氣於敷
天上奉宸歡教坊合曲

勾小兒隊

衆技旅庭振歡聲於無外游童頌聖陶至化於自
然上奉皇威教坊小兒入隊

隊名

壤歌皆白髮象舞及青衿

問小兒隊

跳跟廣陌初疑竹馬之遊合散彤墀忽變驚鴻之

狀欲知來意宜悉敷陳

小兒致語

臣聞流虹啓聖非人力所致之符湛露均恩與天
下共享其樂旁行海宇外薄戎夷咸欣載夙之辰
共獻無疆之祝恭惟皇帝陛下神武不殺將聖多
能天生德於予既稟狗齊之質人樂告以善輔成
經緯之文法慈儉於東朝紬詩書於西學載臨誕
日俛蒼輿情非爲靡曼之觀庶備太平之福臣等
微生齟齬學樂父師就列紛紜雖無殊於鳥獸赴
音俛仰亦少效於涓塵未敢自專伏候進止

勾雜劇

樂且有儀方君臣之相悅張而不弛豈文武之常
行欲佐歡聲宜陳善謔金絲徐韻雜劇來歟

放小兒隊

未技畢陳下情無壅既成文於綴兆猶歛袂以回
翔再拜天堦相將好去

勾女童隊

飛步壽山起香塵於羅襪散花御路泛回雪於錦
茵上奉宸顏兩軍女童入隊

隊名

生商來瑞馭浴佛降羣龍

問女童隊

玉座天臨雖仙凡之有隔翠鬟雲合豈草木之無
知密邇天堦悉陳來意

女童致語

妾聞千里一曲變澄瀾於濁河萬歲三稱隱歡聲
於靈岳天人僉應夷夏來同雖云北里之微敢獻
華封之祝恭惟皇帝陛下睿文冠古神智無方同
堯舜之性仁而能濟衆陋成康之刑措猶待積年
共欣建丑之正再覩興龍之會桑田東海傾壽尊

東坡全集卷之四十五
而未乾汗竹南山書頌聲而無極妾等幸緣賤藝
獲望威顏振萬於庭欲赴干旄之節間歌以雅庶
諧笙磬之音未敢自專伏候進止

勾雜劇

舞綴暫停歌鐘少闕必有應諧之妙以資載笑之
歡上悅天顏雜劇來歟

放女童隊

振袂再成曲盡回風之妙分庭久立漸移愛日之
陰再拜天堦相將好去

坤成節集英殿宴教坊詞

元祐二年七月十五日

教坊致語

臣聞視履考祥旣占懷月之夢對時育物必有繼
天之功方大火之西流屬陰靈之旣望帝於是日
誕降仁人意使斯民咸歸壽域共慶千年之遇得
生二聖之朝式宴示慈與民同樂恭惟皇帝陛下
文思天縱睿哲生知力行禹湯之仁常恐一夫之
不獲躬蹈曾閔之孝故得萬國之歡心恭惟太皇
太后陛下道契天人德超載籍知人則哲蓋帝堯
之所難修已安民雖虞舜其猶病風雲從而萬物
覩日月照而四時行自然動植之咸安莫知天地

之何力三宮交慶群后駿奔寶鄰通四牡之歡航
海致重譯之贖洞庭九奏始識咸池之音靈嶽三
呼共獻後天之祝臣等叨居法部輒採民言上瀆
宸聰敢陳口號

口號

三朝遺老九門前又見承平大有年
文母憂勤初化俗曾孫仁孝已通天
史書元祐三千牘樂奏坤成第一篇
欲採蟠桃歸獻壽蓬萊清淺半桑田

勾合曲

秋風協應生殿閣之微涼廣樂具陳韻金絲而間

作欲觀鳥獸之率舞願聞笙磬之同音上奉宸顏
教坊合曲

勾小兒隊

朱干玉戚本以象功白叟黃童皆知頌聖盍命髦
髦之侶來陳舞勺之儀上侑皇歡教坊小兒入隊
隊名

願同千歲樂長奏太平謠

問小兒隊

鎬京廣燕方雲集於縉紳沂水游童忽鳧趨於庭
廡雖云小技必有可觀咫尺天顏悉言汝志

東坡全集卷之四
小兒致語

臣聞功存社稷慶鍾高密之門澤及本枝天作太
任之德候西風之入律藹瑞氣之盈庭嘉與四方
同稱萬壽恭惟皇帝陛下文思稽古濬哲在躬日
奉東朝之歡率用家人之禮以謂慈儉之化無德
而能名保佑之功如天之難報惟流傳於歌舞庶
髣髴其儀刑臣等雖在弱齡久陶孝治敢率垂髫
之侶共陳振萬之儀未敢自專伏取進止

勾雜劇

鸞旗日轉雉扇雲開暫回綴兆之文少進俳諧之
技來陳善戲以佐歡聲上樂天顏雜劇來歟

放小兒隊

青衿旅進雖未技而畢陳黃屋天臨知下情之無
壅旣成文於綴兆爰整袂以徘徊再拜天階相將
好去

勾女童隊

彤壺漏箭隨鷄唱以漸移絳節綵髦聞鳳簫而自
舉宜召散花之侶來陳回雪之姿上奉宸歡兩軍
女童入隊

隊名

東坡全集卷之四十五
金風回翠袖玉瑄倚清歌

問女童隊

鳳歌諧律方資燕俎之歡鷺羽分庭忽集壽山之
下低鬟有待振袂欲前密邇天階悉陳來意

女童致語

妾聞塗山啓夏來玉帛於萬邦摯仲興周胙本枝
於百世嘉辰共樂壯觀一新恭惟皇帝陛下舜孝
自天堯仁浹物膺昊穹之成命席累聖之詒謀惟
地勢坤永載無疆之德以天下養躬持胥樂之觴
六樂在庭百工奏技妾等親逢盛旦獲望嚴宸藝

雖愧於驚鴻心已先於儀鳳願陳舞綴上奉天顏
未敢自專伏取進止

勾雜劇

風清羽蓋日轉槐庭欲資載笑之歡必有應諧之
妙暫回舞綴少進詼辭上悅天顏雜劇來歟

放女童隊

八音間作旣成皦繹之文萬舞畢陳曲盡回翔之
態望彤闈而却立歛翠袂以言歸再拜天墀相將
好去

齋日致語口號

東坡全集卷之四十五
旋復陰陽配五支於六幹誕彌歲月與元日爲三
申神后降慶於當年曾孫効誠於茲且不煩巧歷
自契真符道俗謹謐天人協應太皇太后陛下功
高任姒德配唐虞上推顧託之心下布仰成之政
寶慈與儉蹈光憲之成規却狄安邦襲烈武之餘
慶三朝順履萬壽維新雖絳縣之老人難窮甲子
如楚南之靈木莫計春秋臣賤等草茅心傾葵藿
採民謳於擊壤効樂語之陳詩

媯皇得道自神仙金母長生不記年甲子會逢三
朔口歲星行看百周天消兵漸覺腰無犢種德方
知福有田彤管何人書後會椒花椿頌一時編

黃樓致語口號

百川返壑五稼登場初成百尺之樓適及重陽之
會高高下下旣休畚鍤之勞歲歲年年共覩茱萸
之美恭惟知府學士民人所恃憂樂以時度餘力
而取美材因備災而成勝事起東郊之壯觀破西
楚之淫名賓客如雲來四方之豪傑鼓鐘隱地竦
萬目之觀瞻實與徐民長爲佳話

一新柱石壯巖闔更值西風落帽辰不用游從誇
燕子直將氣焰壓波神山川尚遶當時國城郭猶

東坡全集卷之四十一
飄廣陌塵誰凭欄干賞風月使君畱意在斯民

趙倅成伯母生日致語口號

昔年占夢適當重九之佳辰今日獻香願祝大千
之遐算慶婦姑之同日雜茱菊以稱觴殺雞已效
於龐公剪髮敢資於陶母但其叨居樂部忝預年
家不度蕪材上塵口號

今朝壽酒泛黃花鬱鬱葱葱氣滿家願得唐兒舞
一曲莫嫌國小向長沙

王氏生子致語口號

人中五日知織女之暫來海上三年喜花枝之未

老事協紫銜之夢歡傾白髮之兒好人相逢一杯
徑醉伏以某人女郎蒼梧仙裔南海貢餘憐謝端
之早孤潛炊相助嘆張鎬之沒興遇酒輒歡采楊
梅而朝飛擘青蓮而暮返長新王女之年貌未厭
金膏之掃除萬里乘桴已慕仲尼而航海五絲繡
鳳將從老子以俱仙東坡居士尊俎千峯笙簧萬
籟聊設三山之湯餅共傾九醞之仙醪尋香而來
苒天風之引步此興不淺爛江月之升樓

羅浮山下已三春松筍穿堦晝掩門太白猶逃水
仙洞紫簫來問王華君天容水色聊同夜髮澤膚

身城全集卷之四十一
光自鑑人萬戶春風爲子壽坐看滄海起揚塵

寒食宴提刑致語口號

良辰易失四者難并故人相逢五斗徑醉况中年
離合之感正寒食清明之間時乎不可再來賢者
而後樂此恭惟提刑學士才本天授學爲人師事
業存乎斯民文章蓋其餘事望之已試於馮翊翁
子暫還於會稽知府學士接好隣邦締交冊府莫
逆之契義等於天倫不腆之辭意勤於地主力講
兩君之好可無七子之詩欲使異時爭傳盛事
雲間畫鼓疊春雷千騎尋芳戲馬臺半道已逢山

簡醉萬人爭看謫仙來淮西按部威尤凜歷下懷
仁首重回還把去年畱客意折花臨水更徘徊



國家圖書館, NATIONAL CENTRAL LIBRARY, TAIWAN, R.O.C.

東坡全集卷之四十五

三十一

東坡先生全集卷之四十六

啓

謝制科啓二首

嘉祐六年

右軾啓今日某日蒙恩授前件官者臨軒策士方
搜絕異之材隨問獻言誤占久虛之等忽從佐縣
擢與評刑內自顧於無堪凜不知其所措恭惟制
治之要惟有取人之難用法者畏有司之不公故
舍其平生而論其一日通變者恐人才之未盡故
詳於採聽而畧於臨時茲二者之相形顧兩全而
未有一之於考試而掩之於倉卒所以爲無私也

東坡全集卷之四十一
然而才行之迹無由而深知委之於察舉而要之於久長所以爲無失也然而請屬之風或因而滋長此隋唐進士之所以爲有弊魏晉中正之所以爲多姦惟是賢良茂異之科兼用考試察舉之法每中年輒下明詔使兩制各舉所聞在家者能孝而恭在官者能廉而慎臨之以患難而能不變邀之以寵利而能不回旣已得其行已之大方然後責其當世之要用學博者又須守約而後取文麗者或以用寡而見尤特於萬人之中求其百全之美凡與中書之召命已爲天下之選人而又有不

可測知之論以觀其默識之能無所不問之策以效其博通之實至於此而不去則其人之可知然猶使御史得以求其疵諫官得以考其素一陷清議輒爲廢人是以始由察舉而無請謁公行之私終用考試而無倉卒不審之患蓋其取人也如此之密則夫不肖者安得而容軾才不迨人少而自信治經獨傳於家學爲文不願於世知特以饑寒之憂出求斗升之祿不謂諸公之過聽使與羣豪而並遊始不自量欲行其志遂竊俊良之舉不知才力之微論事迂濶而不能動人讀書疎畧而無

東坡全集卷之四十一
以應敵取之甚愧得而益慙此蓋伏遇某官德爲
世之望人位爲時之顯處聲稱所被四方莫不奔
趨議論一加多士以爲進退致茲庸末亦與甄收
然而志卑處高德薄寵厚歷觀前輩由此爲致君
之資敢以微軀自今爲許國之始過此以往未知
所裁自德爲至甄收一閣本作以堯舜之道致吾
君以伊周之業爲已任恐一夫不獲自盡亦

爲廟堂之憂思天下所以太平必
用芻蕘之說亟收末學以輔犬猷

軾以薄材親承大問論議羣起予奪相乘不意聖
恩之曲加猶獲從吏之殊寵伏讀告命重積震惶
嘉其愛君之心期以克終之譽辭不獲命媿無以

堪某生於遠方性有愚直幼承父兄之餘訓教以
修己而治人雖爲朝廷之直臣常欲挺身而許國
位卑力薄自許過深言發譴生事勢宜爾追尋策
問之微意實皆安危之大端自謂不及則曰志勤
道遠開其不諱則曰無悼後害竊以制策之及此
又念科目之謂何罄其平時之所懷猶懼不足以
仰對言多迂濶罪豈容誅伏以國家取人之科惟
是剛柔適中之士太剛則惡其猖狂不審太柔則
畏其選懦不勝將來二者之中屬之以事固非一
介之賤所或能當某之不才過乃由此然而許切

憤悻爲知士之所不許因循鹵莽又有國之所樂
聞使舉世將以從容而自居則天下誰當以奮發
而爲意此蓋某官羽翼盛時冠冕多士思盡芻蕘
之議以明寬厚之風羈危之所恃以爲無憂紛紜
之所恃以爲定論顧惟無似尚辱甄收感恩至深
求報無所昔者西漢之盛莫如文景孝武之賢制
策所興世稱晁董公孫之對然而數子者頌詠德
美而不及其譏刺故三帝者好愛文字而無聞於
寬容豈其時君不可爲之深言抑其羣臣亦將有
所不悅某才雖不逮時或見容非懷爵祿之榮竊

喜幸會之至

謝館職啓

試言無取錫命過優進貽朋友之譏退有簡書之
畏覲顏就列撫已若驚國家取士之門至多而制
舉號爲首冠育才之地非一而冊府處其最高觀
其所以待之蓋亦可謂至矣知寶玉璠璣難得而
易毀故篋積以養其全知梗楠豫章積歲而後成
故封殖以待其長施等天地恩均父師恭惟先帝
臨御以來四十二載所擢賢良方正之士十有五
人其志莫不欲舉明主於三代之隆其言莫不欲

東坡全集卷之四十一
四
措天下於泰山之固大則欲興禮樂以範來世小則欲操數術以馭四夷然而進有後先名有隱顯命有窮達時有重輕或已踐廟堂之崇或已登侍從之列或反流落於遠郡或尚滯留於小官或死生之乖睽已爲陳迹或擯斥於罪戾僅齒平民雖曰功名富貴所由之塗亦爲毀譽得喪必爭之地名重則於實難副論高則與世常疎故雖絕異之資猶有不任之懼軾之內顧豈不自知性任已以直前學師心而無法自始操筆知不適時會宗伯之選掄疾時文之靡弊擢居異等以風四方不知

滿溢之憂復玷良能之舉負賢者所難之任爭四海欲得之求其爲蠢愚可爲危慄是以一參賓幕輒蹈危機已嘗名挂於深文不自意全於今日而況大明繼照百度惟新理財訓兵有鞭笞戎狄之志信賞必罰有追述祖宗之風凡用人歷試其能苟敗事必誅無赦此太平可待之日豈不肖兼容之時而乃度越賢豪曲收微賤縱不能力辭而就下亦當知非分以自慙此蓋伏遇某官志在斯民仁爲已任欲辦大事務兼尺寸之長將求多聞故引涓埃之助致此忝冒有踰等倫欲報無緣將何

東坡全集卷之四十六
望於頑鄙遇寵知懼庶不至於惰媮

鳳翔到任謝執政啓

嘉祐六年

右軾啓違去軒屏忽已改歲向風瞻戀何翅饑渴
前月十四日到任翌日尋已交割訖軾本凡材繆
承選取忽從州縣便與賓佐捫躬自省豈不媿幸
伏自到任已來日夜厲精雖無過人庶幾寡過伏
惟昭文相公素所獎庇曲加搜揚旣蒙最深之知
遂有自重之意所任僉署一局兼掌五曹文書內
有衙司最爲要事編木棧竹東下河渭飛芻輓粟
西赴邊陲大河有每歲之防販務有不蠲之課破

蕩民業忽如春冰于今雖有優輕酬獎之名其實
不及所費百分之一救之無術坐以自慙惟有署
置之必均姑使服勞而無怨過此以往未知所裁

密州到謝執政啓

蒙恩授前件差遣已於今日三日赴任訖帶山負
海號爲持節之邦多病無功久在散材之目授非
所稱愧靡自任矧茲願治之辰方以求賢爲急宜
得敏銳兼人之器以副厲精更化之懷如軾者天
與愚忠家傳朴學議論止於汗俗交遊謂之陳人
出佐郡條荐更歲籥雖僅脫網羅之患然卒無毫

髮之稱豈伊寵榮偶及衰鈍此蓋伏遇某官股肱
元聖師表萬邦欲隆太平極治之風故開兼收並
採之路重使一夫之不獲特捐支郡以見收荷恩
至深論報何所謹當鐫磨朽鈍筆策疲駑雖無望
於功名庶少逃於罪戾過此以往未知所裁

徐州謝兩府啓

熙寧十年

移守河中已愧超陞之異改臨泗上仍叨藩鎮之
雄旣見吏民周覽風俗地形襟要當東南水陸之
衝民食艱難正春夏旱蝗之際宜得一時之循吏
以安千里之疲民如軾者才不逮人學非適用冒

塵策府自知拙直之難安屢乞守符意謂苟全之
善計然自往來三郡首尾七年足蹈危機僅脫風
波之險心存吏役都忘學術之源旣未決於歸耕
敢復求於善地伏遇某官權衡萬物高下一心頑
礦悍堅實費陶鎔之力散材疎惡徒施封殖之恩
謹當筆策疲駑鐫磨朽鈍上酬天造次荅已知

徐州謝隣郡陳彥升啓

受代膠西甫違仁庇分符泗上復託恩私祗見吏
民布宣條教郡有溪山之樂庭無爭訟之煩曾何
妄庸獲此僥倖此蓋某官紀綱千里儀表一方議

東坡全集卷之四十一
論信於中朝予奪公於多士衰罷無術旣常荷於
兼容勉厲自將或無忝於知遇感懼之素敷染難
宣

徐州謝執政獎諭啓

事有服勤此實守臣之職功無可錄遽膺褒詔之
榮聞命惟驚反身自愧伏自河失故道遺惠及於
東方徐居下流受害甲於他郡比緣衆力獲保孤
城灑沈澹災無補洪源之塞增痺培薄僅循下策
之施敢圖天聽之卑乃辱璽書之賜茲益伏遇某
官左右元聖師保萬民方以一夫不獲爲已羞故

衆人皆樂以善告遂緣過聽致此曲恩某敢不祗
服訓詞益脩吏職深自策其駑鈍庶有補於涓埃
過此以還罔知所措

登州謝兩府啓

元豐八年

右軾啓蒙恩授前件官已於今月十五日到任上
訖者迂愚之守沒齒不移廢逐之餘歸田已幸豈
謂承宣之寄忽爲枯朽之榮眷此東州下臨北徼
俗習齊魯之厚迹皆秦漢之陳賓出日於麗譙山
川炳煥傳夕烽於海嶠鼓角清閒顧靜樂之難名
笑妄庸之竊據此益伏遇某官股肱元聖師保萬

東坡全集卷之四十一
民才全而德不形任重而道愈遠謂使功不如使過而觀過足以知仁特借齒牙曲成羽翼軾敢不服勤簿領祇畏簡書策蹇磨鉛少荅非常之遇息黥補劓漸收無用之身過此以還未知所措

罷登州謝杜宿州啓

桑榆晚景忽蒙收録之恩山海名邦得竊須臾之樂自非明哲少借餘光內自顧其空疎必難逃於曠敗某官高風肅物雅望應時旣愷悌以宜民亦儒雅而飾吏每假齒牙之論曲成羽翼之私感佩良深敷述奚旣

除起居舍人謝啓

元祐元年一作謝右史啓

比者誤被聖恩軫及棄物起於貶所付以名藩牧養疲民曾未施於薄效躋攀近侍已再被於寵光祿旣多則功不可微職旣崇而責猶當重顧懇辭之莫獲念圖報之未能方以爲憂敢辱見慶此蓋某官德惟樂善志務達人重緣姻好之私賁以文詞之美捧讀數四退增愧慙屬春候之向和宜福祿之益固未遂披奉但切傾懷

謝中書舍人啓

右軾啓蒙恩授前件官者起於貶所未及暮年擢

東坡全集卷之四十一
置周行逮叅法從省躬無有被寵若驚竊惟人材
進退之間實爲風俗隆替之漸必欲致治在於積
賢雖一薛居州齊言不能移楚而用范武子晉盜
可使奔秦崔琰進而廉儉成風楊綰用而淫侈改
度誠國是之先定雖民散而可收拔茅茹者以彙
而征附馬棧者必先其直用舍旣見好惡自明人
知所趨勢有必至今朝廷方講當世之務力追前
代之隆雖改定法令足以便事而未足以安民寬
弛賦役足以安民而未足以成俗是以登進耆老
搜求雋良將使士知向方民亦有耻如軾者山林

下士軒冕棄材少而學文本聲律雕蟲之技出而
從仕有狂狷嬰鱗之愚溝中不願於青黃爨下無
心於宮徵誤蒙收拾已出優恩荐履禁嚴殊非素
望此蓋伏遇某官德配前哲望隆本朝名重圭璋
上助廟堂之用言爲著蔡下同卿士之謀餘論所
加虛名增重知丹心之尚在憐白首之無歸特借
寵光以寬衰病任隆才下恩重報輕直道而行恐
非所以安愚不肖之分充位而已又不足以解卿
大夫之憂蚤夜以思進退惟谷恐懼戰越不知所
裁

東坡全集卷之四十一
除翰林學士謝啓 元祐元年

叨奉寵恩擢居禁近任逾器表憂與愧并內自顧於衰遲宜退安於冗散豈期晚節復與英遊此蓋伏遇某官德配先民望隆多士至誠樂與共推人物之評雅量兼容曲借齒牙之未致茲朽鈍亦踐高華方脩問之未皇遽移書之見及其爲感佩難盡敷陳

杭州謝執政啓 元祐四年

右軾啓小器易盈宜處不爭之地大恩難報終爲有愧之人到郡浹旬汗顏數四湖山如舊魚鳥亦

怪其衰殘爭訟稍稀吏民習知其遲鈍雖尚嬰於寵劇庶漸卽於安閒顧此蠢愚亦蒙微倖此蓋伏遇某官輔世以德事君以仁嘉善而矜不能與人不求其備故令狂直得保始終指步武於夷途收暮榆之暮景軾敢不欽承令德推本上心政拙催科自占陽城之考姦容獄市敢師齊相之言庶寡悔尤少償知遇

潁州到任謝執政啓 元祐六年

入叅兩禁每玷北扉之榮出典二邦輒爲西湖之長皆緣天幸豈復人謀惟汝水之名邦乃裕陵之

東坡全集卷之四十一
故國人醇事簡地沃泉甘豈惟暫養於不才抑亦
此生之可老恭惟某官嘉猷經世茂德範時元老
廟堂自有權衡之信餘生江海得同品物之安感
佩之私筆舌難旣

揚州到任謝執政啓

元祐七年

擇地而安本非臣子之達節有求必獲足見廟堂
之兼容釋汝頰之清閒當江淮之衝要舊游所樂
習俗相諳已見吏民具述朝廷之意不爲條教自
然獄市之清此蓋伏遇某官師保斯民著龜當代
折衝禦侮已獲萬人之英補隙輔疎更收一木之
用軾敢不益求民瘼勉盡鄙才但未歸田之須臾
猶思報國之萬一

定州到任謝執政啓

元祐八年

燕南趙北昔稱謀帥之難尺短寸長今以乏人而
授幸此四夷之守忘其一障之乘坐食何功捫心
知愧伏念軾愚忠自信朴學無華孔融意廣才疎
訖無成効嵇康性褊傷物頻致怨憎叨逢聖世之
休明未分昔人之憂患故求散地以養衰年終成
命之莫回悼此心之未亮伏惟某官躬行周孔力
致唐虞燮和天人方遂萬物之性虛受海宇固容

東坡全集卷之四十一
一介之微眷此餘生實無他望老如安國旣倦北
平之遷憊比方回終有會稽之請歸依之至筆舌
奚周

謝秋賦試官啓

伏以聖人設文章之教本以御民君子在田野之
間亦學爲政故知禮樂者可與言化通春秋者長
於治人蓋三代之所常行於六經可以備見事爲
之制曲爲之防使學者皆能明其心則天下可以
運諸掌降及近世析爲二塗凡王政皆出於刑書
故儒術不通於吏事惟其所以治民者固不本於

學而其所以爲學者亦無施於民遊庠校者忘朝
廷讀法律者捐詩賦場屋後進挾聲技以相夸王
公大人顧雕蟲而自笑舊學無用古風遂忘終始
之意曾不相泐貴賤之間亦因遂濶下之士有學
古之意而無學古之功上之人有用儒之名而無
用儒之實顧茲媮弊常竊憫嗟苟非當世之大賢
孰拯先王之墜典伏惟某官才出間世志存生民
曩在布衣能通天下之務旋居要職又爲儒者之
宗明習政事而皆有本原守持經術而不爲迂濶
世之系望上所深知輟自朝聯付之文柄命題甚

東坡全集卷之四十一
易而不肖者無所兼容用法至寬而犯令者未嘗
苟免觀其發問於策足以盡人之材講求先聖之
心考其詩義深悲古學之廢訊以歷書條任子之
便宜訪成均之故事不泥於古不牽於今非有苛
碎難知之文將觀磊落不羈之士使天下知文章
誠可以制治知聲律不足以入官失之者固因而
自新得之者不至於捐舊疇昔所欲於今遂忘軾
才無他長學以自守爲文病拙不能當世俗之心
奏籍有名大懼辱賢材之舉翻然如昇之羽翼追
逸翮以並遊沛然如假之舟航臨長川而獲濟偶
緣大鹿粗遂一名方將區區於簿書米鹽之間碌
碌於塵埃筆楚之地雖識恩之所自顧力報之未
由感懼之懷不知所措

謝監司薦舉啓

猥以庸虛過蒙知遇旣免尤譴復加薦論自省孤
危加之衰病生而賦朴野之性愚不識禍福之機
但知任已以直前不復周防而慮後動觸時忌言
爲身災擠而去之則爲有功引而進之亦或招悔
自非不以利祿爲意而以仁厚爲心顧茲鈍頑誰
肯收錄伏惟某官時望至重主知已深方將長育

東坡全集卷之四十一
於羣林專務掩覆於小過憐其謀身之甚拙進絕
望而退無歸知其爲政之雖迂歲有餘而日不足
特矯世俗借之齒牙軾敢不祇畏簡書益自修飭
豈云報德苟不辱知過此以還未知所措

謝監司啓二首

近審下車輒嘗進記徒欲聞名於將命未皇盡意
以占詞不圖謙光遽錫褒寵感銘旣切愧惕并深
恭惟某官以舊德之賢當聖朝之選恩足以濟法
義足以理財先聲所臨公議同慶凡繫屬部實有
賴於庇庥惟是孤蹤更曲蒙於優借此爲過幸豈

復勝言

又

伏念傾蓋若故雖自慰於宿心盡言非書故未紓
於誠意卽膺寵復實佩謙光退屬紛縈遂疎上記
遽叨榮問徒益厚顏恭惟某官造道惟深養氣以
直理財不愆於義行法不失其恩竊聆下風倍仰
厚德不圖幸會遽隸屬封吏畏民懷旣仰安於明
哲心勞政拙庶粗免於譴訶喜抃至深敷陳莫罄
頌歎尚熾叅對未期伏冀精願別卽迅召

謝本路監司啓

一作荅漕使啓

多病早衰屢有江湖之請誤恩過聽遂分疆場之
憂才無取於折衝愧已深於臥鎮敢緣厚德尚許
兼容伏惟某官名重搢紳望隆中外承宣帝澤民
忘流殍之災肅振臺風吏若親臨之畏顧惟朽鈍
得奉教條但交欣悚之懷莫罄瞻依之頌

謝監司禮啓

燕南趙北昔爲百戰之場地利人和今乃四夷之
守觀累朝之命帥皆一代之名臣豈謂寵榮曲加
疲陋顧吏民之易治幸衰拙之少安此蓋伏遇某
官碩德庇民宏才緯世餘膏所燭常分無盡之光
蒙霧而行坐獲不知之潤眷言朽鈍未遂顛躋勉
加策勵之勤少荅吹揚之賜

謝交代趙祠部啓

近審新命屈領此邦名實所加吏民交慶夫何駑
蹇之步偶茲糠粃之先雖甚內慙實爲大幸恭惟
某官清名肅物雅望在人以博學而濟雄文以高
才而行直道久試蕭生於馮翊猶煩長孺於淮陽
眷此東原幾爲大澤尚呻吟之未復豈罷陋之所
堪望公之來以日爲歲祝頌之素寫述難周

謝呂學士啓

東坡全集卷之四十一
文學之選人才所難邇無世祿之嫌遠絕茅衡之
棄矧此國家養賢之地豈爲儒者竊位之私某官
學古入官脩身以道志本爲已行浮於名直諒多
聞固可追於益友文史足用曾不愧於古人果膺
選掄益登清要未遑馳問先辱惠音

謝王內翰啓

右軾啓竊以取士之道古難其全欲求倜儻超拔
之才則懼其放蕩而或至於無度欲求規矩尺寸
之士則病其齷齪而不能有所爲進士之科昔稱
浮剽本朝更制漸復古風博觀策論以開天下豪

俊之塗精取詩賦以折天下英雄之氣使齷齪者
望而不敢進放蕩者退而有所裁此聖人所以罔
羅天下之逸民追復先王之舊迹元臣大老皆出
此塗伏惟內翰執事天材俊麗神氣橫溢竒文高
論大或出於繩檢比聲協句小亦合於方圓蓋天
下望爲權衡故明主委之黜陟軾之不肖與在下
風顧惟山野之見聞安識朝廷之忌諱軾亦恃有
執事之英鑒以爲小節之何拘執事亦將收天下
之遺才觀其大綱之所在驟置殊等實聞四方使
知大國之選材非顧當時之所悅眇然陋器雖不

東坡全集卷之四十一
能勝多士之喧言卓爾大賢自足以破萬人之浮
議方將奔走厥職厲精乃心苟庶幾無朝夕之愆
以辱知己亦萬一有毛髮之效少荅至仁感懼之
懷不知所措

謝孫舍人啓

拜命中宸代言西掖聳聞中外交慶士夫竊惟二
聖之心蓋以多士爲急滅烽什鼓而以將帥爲藩
垣抵璧捐金而以公卿爲帑廩蓋樽俎有折衝之
恃則藜藿無見採之憂某官瑚璉之才杞梓其用
學不專於爲己才已效於臨民穆如清風草木皆
靡炳然白日霰雪自消茲爲收拾之儲豈特絲綸
之任不遺衰朽過辱緘封永敦爲好之懷深負難
酬之作

謝韓舍人啓

右軾啓軾聞古者至治之世天子推恩以收天下
之望有司執法以繩天下之媮蓋不推恩則無所
兼容不執法则有所僥倖有司推恩而求名則侵
君之權天子執法而責實則失民之望爲君者常
病於察爲臣者又失之寬古之明天子信其臣而
不惑於多言故有司執法而無所忌古之良有司

東坡全集卷之四十一
憂其君而不卹於私計故天下歸怨而不敢辭况
欲選材而置官是將教民而圖任唯所利國豈容
樹恩今聖上推不忍之心使賢愚皆遂其所欲而
大臣用至明之法使工拙不至於相淆嚮者哀憐
老儒故爲特奏之令惻惻連坐又開別試之塗此
天下所以詠歌至仁鼓舞盛德君臣之體夫豈同
塗伏惟舍人執事爲時求材憂國忘已所圖甚遠
將深計於安危自信至明曾不牽於毀譽變苟且
依違之俗去浮僞翫譁之文罷黜俗儒動以千計
講通經術得者九人顧茲小才偶在殊選惟天子

推恩如此之厚惟大臣執法如此之堅將天下實
被其休功豈一夫獨遂其私願感荷激切不能自
勝

謝賈朝奉啓

右軾啓自蜀徂京幾四千里攜孥去國蓋二十年
側聞松楸已中梁柱過而下馬空瞻董相之陵酌
以隻鷄誰副橋公之約宦游歲晚坐念滄流未報
不貲之恩敢懷盍歸之意常恐樵牧不禁行有雍
門之悲雨露旣濡空引太山之望豈謂通判某官
政先慈孝義篤友朋首隆學校之師儒次訪聖闕

東坡全集卷之四十一
之耆舊自嗟來暮不聞拔薤之規尚意神交特致
生芻之奠父老感歎桑梓光華深衣練冠莫克垂
洩於墓道昔孺今袴尚能鼓舞於民謠仰佩之深
力占難盡

謝諸秀才啓

一作謝管
設大使啓

鹿鳴食野方主禮之粗陳驪駒在門嘆賓歡之莫
盡遽辱移書之重益慙爲具之疎卽遂願言徒增
銘佩

謝高麗大使遠迎啓

伏審觀光魏闕自忘浮海之勤授館吳都將有披

雲之幸過承謙德先枉華緘感荷之深誦言莫旣

謝副使啓

伏審祗率邦常來修方貢適此海隅之守得瞻使
節之華首辱緘滕過形謙抑其爲感忤難盡名言
謝高麗大使土物啓

伏審揚舲造朝弭節就舍歸時事於宰旅方勞遠
勤發私幣於公卿亦蒙見及莫遑辭避但切感銘
謝副使啓

伏審舍館初定徒馭少休粗接賓歡方愧餽牽之
陋曲敦私好特班琛貢之餘感佩于懷愧忤無量

謝管設副使啓

伏以襄回弭節必忘靡盬之勤笑語飛觴深懷不
腆之愧過承榮問益荷謙勤感服于衷筆舌難盡
謝惠生日詩啓二首

蓬矢之祥雖世俗之所尚蓼莪之感迨衰老而不
忘豈謂某官意重瓊瑤文成黼黻推仁心而錫類
出妙語以嘘枯攝提正於孟陬已光初度月宿直
於南斗更借虛名永惟難報之珍但結無窮之好

又

伏蒙某官以某生辰特貽佳什允也風人之作爍
然華袞之榮自省庸虛惟知愧汗雖大人占斯干
之夢喜獲嘉言而弟子廢蓼莪之篇難忘永慕感
佩之素敷染莫周

東坡先生全集卷之四十六

東坡先生全集卷之四十七

啓

賀韓丞相啓

右軾啓伏審誕膺策命首冠輔臣四方聳觀萬口
同慶天下幸甚天下幸甚自古在昔治少亂多夫
天將欲措世於大安必有異人之間出使民莫不
回心而向道類非俗吏之所能方陋漢唐將追堯
舜洪惟上聖之后眷求一德之臣謂莫如公遂授
以政付八音於師曠孰敢爭能捐六轡於王良坐
將致遠引領以望惟日爲年恭以昭文相公全德

將發其蘊蓄以次施行始緩獄以裕民終措刑而隆禮軾登門最舊荷顧亦深喜抃之懷實倍倫等

賀時宰啓

伏審光膺考慎峻陟宰司孚號揚廷士識上心之所尚置郵傳命人知聖澤之將流靡不欣愉至於鼓舞恭以某官直方以大廣博而良進以正而正邦異乎求以求政貫六經百子之學煥三代兩漢之詞昂稟自殊偉蕭侯之八尺斗南莫競凜梁公之一人加以絕識見微曠度舉遠清心省事則法可使復結繩之約強本節用則貨可使若流泉之

長材無不可範而成也譬泥之在鈞俗無不可易而善也猶風之靡草是皆隨試而有效安見爲事而無功蓋神考貽謀已完具而可按故成王纘要宜纖悉以勿加此大雅兼持而不移矧清衷圖任之愈篤豈繫疎逖所獨詠歌惟民罔知合語則聖凡有詔令率先惠慈固已遐邇爭傳室家胥慶顧此民逢此日之何幸謂吾相勸吾君以愛人歡聲格於九天垂氣消於萬彙在昔小國如彼景公損已一言退星三舍又況以禹湯大信之誥有夔契同寅之言蠢爾憑生猶知助順赫然在上豈不降

東坡全集卷之四十一
三
康某愚有赤心老無佞舌輒忘犯分顧欲輸誠然
有難言是在精智益無交則莫與苟好謀則必成
不惡而嚴匪怒伊教終成大賴豈曰自私伏念某
遭時休明賦命衰薄蚤粗蒙於遴選比久幸於退
藏天雨何私笑流行之木偶滄溟不改嘆自蕩之
波臣重以傾歲周旋竊嘗撰屨未塗流落無復掃
門豈賴補息劓黥彫朽糞朽出部見日去益望天
悵末力之將殫愧明恩之莫報乃利用安身之何
有儻奉法循理之可爲民社非輕猶承宣而惴惴
天淵靡外亦戾躍以欣欣某限以在外不獲躬詣

省庭預百執事賀鈞屏營情無任

賀歐陽少師致仕啓

伏審抗章得謝釋位言還天眷雖隆莫奪已行之
志士流太息共高難繼之風凡在庇庥共增慶慰
伏以懷安天下之公患去就君子之所難世靡不
知人更相笑而道不勝欲私於爲身君臣之恩係
縻之於前妻子之計推荷之於後至於山林之士
猶有降志於垂老而况廟堂之舊欲使辭祿於當
年有其言而無其心有其心而無其決愚智共蔽
古今一塗是以用捨行藏仲尼獨許於顏子存亡

東坡全集卷之四十一
四
進退周易不及於賢人自非智足以周知仁足以自愛道足以忘物之得喪志足以一氣之盛衰則孰能見幾禍福之先脫屣塵垢之外常恐茲世不見其人伏惟致政觀文少師全德難名巨材不器事業三朝之望文章百世之師功存社稷而人不知躬履艱難而節乃見縱使耄期篤老猶當就見質疑而乃力辭於未及之年退託以不能而止大勇若怯大智如愚至貴無軒冕而榮至仁不導引而壽較其所得孰與昔多軼受知最深聞道有自雖外爲天下惜老成之去而私喜明哲得保身之

全伏暑向闌台候何似伏冀爲時自重少憫輿情

賀趙大資少保致仕啓

伏審抗章得謝奉冊言還摺紳聳觀閭里相慶竊謂富貴不爲至樂功名非有甚難樂莫樂於還故鄉難莫難於全大節歷數當今之卿相或寓他邦究觀自古之忠賢少有完傳錦衣而夜行者多矣狐裘而羔袖者有之至若百行渾圓五福純備當世所羨非公而誰恭惟致政大資少保道心精微德望宏遠無施不可尤高臺諫之風所臨有聲最宜吳蜀之政才不究於大用命乃係於生民與時

東坡全集卷之四十一
借行不可則止見故人而一笑綽有餘歡念平生
之百爲絕無可恨方將深入不二獨遊無何默追
粲可之風坐致喬松之壽軾荷知有素貪祿忘歸
慕鸞鶴之高翔眷樊籠而永歎傾頌之素敷寫莫
窮

賀文太尉啓

伏審孚號揚庭臨軒遣使出節少府授鉞齋壇夷
夏聳觀兵民交慶蓋功業盛大則極名器而後稱
惟德度宏遠故舉富貴而若無蔚爲三世之宗臣
豈獨一時之盛事恭惟留守文太尉道本天合德

爲人師信及三川之豚魚威加兩河之草木身任
休戚言爲重輕始若留侯弱冠而遇高祖晚同尚
父黃髮而亮武王旣奉冊書益新民聽方將威懷
北虜係頸長纓約束河公軌流故道然後入調伊
傅之鼎歸躡松喬之游輿論所期斯言可必軾謫
官有限趨侍無緣踴躍之心宣寫難盡

賀孫樞密啓

伏審對揚綸綍進領樞機道不虛行必賴股肱之
力人惟求舊允符夷夏之瞻恭惟某官德充山甫
之將明氣備孟軻之剛大聲華傾於衆望功業見

身城全集卷之四十一
乎有爲擁節常山遠過長城之備剽繁京兆遂令
鳴鼓之稀公議益崇貴名愈白用致非常之命以
圖保大之勲惟時運籌旣壯王猷之塞佇觀秉軸
更增帝載之熙某限以郡符阻趨墻仞欣抃之至
徒切下懷

賀歐陽樞密啓

代大中公作

伏審拜恩王庭署事兵府非徒儒者之盛節實爲
天下之殊休苟居下風孰不欣抃切以國家分設
二府紀綱百官凡奉法循令所以撫民於內者皆
效節於中書秉義蹈忠所以捍城於外者皆受制

於樞密未有不能文而能幹兵事未有不知兵而
能爲宰臣職雖或偏道未始異蓋近古之制兵農
混於一民自漢以還文武分爲二職所上者係乎
其世所長者存乎其人求其兼通豈復容易恭以
樞密侍郎名冠當代才雄萬夫通習世務而皆有
本源講明經術而不爲迂濶擢居大位實快羣心
武夫悍卒自以爲能盡其才賢士大夫皆以爲得
行其道某分守遠郡寓居近畿仰大賢之登庸助
率土之歡詠

賀呂副樞啓

伏審近膺告命入總樞機中外聳觀朝廷增重伏
惟慶慰竊以古之爲國權在用人德厚者輔其才
而名益隆望重者無所爲而人自服是以淮南叛
臣先寢謀於長孺汾陽元老尚改觀於公權樽俎
可以折衝藜藿爲之不採哀此風流之莫繼久矣
寂寥而無聞天亦厭於凡才上復思於舊德恭惟
樞密侍郎性資仁義世濟忠嘉豈惟清節以鎮浮
固已直言而中病出領數郡若將終身小人謂之
失時君子意其復用迨茲顯拜夫豈偶然而荷
三朝兩世之恩當春秋賢者之責推之不去讓乎
其難進伯玉而退子瑕人皆望於門下烹桑羊而
斬樊噲公無愧於古人莫若盡行疇昔之言庶幾
大慰天下之望軾登門最舊稱慶無緣踴躍之懷
實倍倫等

賀吳副樞啓

頃聞休命擢領上都曾安坐之未皇已歡聲之布
出卽欲裁問少通勤拳以爲不久當有非常之聞
是以未敢輕爲率爾之賀逮茲未幾果已如言釋
府事之喧繁總兵權於禁密傳聞四遠歡喜一詞
伏惟某官機畧足以應無方而有朴忠沉厚之量

東坡全集卷之四十一
文華足以表當世而有簡素質直之風置之於都會則其爲效也速而所及者廉委之於樞機則其成功也遲而所被者廣深惟賢者之處世皆以得時爲至難幸而得之或已老矣今以明公之至盛正如大川之方增天下固將以未獲之事盡付於明公明公宜愛此不貲之軀以畢其能事區區之意言不能勝

賀范端明啓

右軾啓恭承明詔追錄舊勲名陞祕閣之嚴實遂安車之養仍推餘澤以及後昆聞命以還有識相

慶竊謂死生之事聖賢有不能了父子之際古今以爲難言方其犯雷霆於一時豈意收功名於今日惟天知我絕口不言偉事發之相重非人謀之所及恭惟致政端明學士至誠格物隱德在人彌亮四世如畢公壽考百年如衛武獨立不懼舍之則藏惟有青蒲之言尚在金縢之匱白日一照浮雲自開坐使遺民復觀盛事子孫歸沐下萬石之里門君相乞言授三老之几杖更延眉壽永作元龜軾無任歡喜頌詠激切之至

賀高陽王待制啓

東坡全集卷之四十一
伏審顯奉恩綸榮更帥闡鎮武垣之衝要聯內閣之高華公議交俞貴名愈白恭惟某官膺天大任於時有爲發揮才謀更歷事任道能濟而不過事雖難而不辭簡在聖心遂益柄任峻登祕近之直重易關防之雄有恩有威方結束人之愛允文允武更紓北顧之憂卽觀成功進陟近輔

賀林待制啓

伏審圖舊聖時陞華法從僉言諧允有識歎咨萬木歲寒配喬松於巨栢衆星夜艾凜明月與長庚斧藻昌朝領袖後進傳聞四遠歡喜一詞恭惟某

官名重弱齡望高晚節文章爾雅益西漢之餘風悃悃無華亦東京之循吏凡閱四朝而後用獨爲三館之老臣著書已成特未寫之琬琰立功何晚會當收之桑榆軾交舊最深慰喜良甚尺書爲賀鄙志莫宣

賀楊龍圖啓

右軾啓伏審新改直職擢司諫垣傳聞邇遐竦動觀聽咸謂國家之鉅福乃用諫諍之真才必能深言以補大化方今朝廷之上號爲無諱而太平之美終不能全臺諫之列歲不乏人而衆弊之原猶